



樸村詩集卷七

律詩

湯編修西厓移居招集姜孝廉西溟唐吏部實君萬處士  
季野惠庶常元龍查庶常聲山宮貢士友鹿吳進士元朗  
錢貢士亮工即事賦二律

卜宅知君爲卜鄰參差列宿近相親座傾重碧千鐘少堂煖清商  
一部新傍架齊來比多積借車載去笑長貧隔牆記否歌呼侶邀

月今成對影人

諸君旅次皆與編修密比  
獨余爲舊隣而今稍隔遠

直廬初下一匡牀如蓋童童獨樹旁

寓中一樹編  
修所最賞

封殖好禁宣子

譽罄錢欲學義方償肉懷殿上寧嫌鄙屋葺廊東有底忙

時細君  
南歸

且喜連牆共還往街西并得到文昌

編修往有詩見懷用白樂天  
寄張籍詩相擬有無人行得

到街西  
之句

元龍以札見招有云惟蒸豚一味又云飲藥酒啖餅越日



赴之戲成二絕

不須人乳貯琉璃薄俗于今武子侈蕉葉杏漿風味好煩君一學紫衣師

快把君家藥玉船起漉十裂有新傳君數以餅詩于子及登梓果大佳當筵猶恨

吾來晚玉腕炮燔是去年時君已遣楊枝

飲元龍寓齋次日有詩見示次韻答之

金門舊史氏寂寞道心存君以庶常調外居京師候補訝爾直簪被憐予仍弟

昆懽言從岸幘深巷愜幽尊不厭清狂客從茲此門

馮衍志何邁時同飲為馮文子惠施情更長心期十載舊容鬢幾回傷驟

雨塵纓滌晚風綺席涼歸鞍同倒載清夢那能忘

徐閣學勝力招飲出幼孫見客甚聰慧

爛爛雙瞳粹美姿索將梨栗便吟詩八章秋興琅琅裏纔是前年

學語時

共倒清尊看抱孫儘教聰慧客前論公才公望他時繼爾祖應知

興我門

吐記早能了瑟僂展書舊慣覓之無白尚書位從渠致韓吏部兒

非爾徒

雛鳳占來五色雲君家吉夢舊曾聞好將遠祖瑯邪句一釋春秋

藉稻文

劉給事禹梅招同王方若殷彥來看菊時方若將南還彥

來有作和韻

烏府栽成陶令籬招尋間客趁花時碎寒爭吐黃金蕊泥醉還浮

白玉卮秋迴霜威臺栢靜天低雲影布帆移今朝心怯騷壇將袖

手何勞更致師

風物梁園感昔時爛開雲錦送將離折枝黯黯歌金縷步障垂垂

繞紫絲檻外遼城消歷劫門前涼水浸清池憑君莫話前朝事搖

蕩秋花肯後期京師梁園即古遼城引涼水入其中前朝牡丹芍藥最盛花時雲錦布地見劉呆齋程篁墩諸公

集今給諫居此不勝望古遙集之思云

### 次殷彥來雪後見懷

如篩初墮峭寒增難學高人卧莫興倦眼光添俄有纈吟髭撚斷不成冰空庭跡絕過三暮白戰詩來重百朋莫笑矍儒兩愁寂毫端清興尚堪乘

### 為趙蒙泉題翁蘿村畫 三首

秋山一抹青秋林數枝綠羨殺無心雲是中往還熟水碓餐雲子山樵拾橡實茅屋彼何人一生老閒逸蒙泉山下出蘿村山中結我亦攜家來談笑掉寸舌

### 題殷彥來歲寒吟卷後

綵繡爭翻入座光夫君餽歲富詞章殷子詩以除夜寄田侍郎有自笑門生非餽歲之句品題自有三卿主集後有王田兩侍郎尚書序寄語才人莫等量

詩敵相逢十載前據鞍猶許強周旋如今五字吟成後欲致偏師堅復堅

### 消寒第五集友鹿攜尊西齋寓分韻得佳字

節過傳柑亦復佳不須折簡酒如淮深更見月弦初下倚醉作歌日未排放筯盤空金縷鱗點燈花綴玉蟲釵行廚珍重今宵會記取他時七子僭前此座皆七人是日文饒不至而亮工與焉

### 寓齋前移植丁香一株漫賦 時館辛

翠幄添新成色添一院深粉苞含露拆霰雪隔寒侵遂有微風入頻來繞檻以垂頭莫愁思猶戀舊牆陰

### 和顧俠君小秀野詩 并引

俠君居吳有園林之勝築堂名秀野蓋取東坡題獨樂園詩有花竹秀而野句也今來京師以此顏其寓齋有詩四絕同人屬而和之

屋下流泉屋上山君家五畝占寬閒一廛 帝里栽花竹物色何

曾判秀頑

風光秀野不爭差真有隨身寧極齋寧極無常居此齋只恐故山

猿鶴怨勒移驛路到天街

坐堦來為覓芭蕉都下新傳歌且謠倒捲葉心書紙樣笑他皮相

荅靈苗路德延芭蕉詩詩成翼日傳都下

街西查浦為鄰並只當蘇州與秀州查德引自號查浦與俠君為

秀州爭買花枝種牆曲煙紅露綠上簾鈎

五日狄庶常向濤席上分賦得蟾蜍

入座驚看節物新結蘆采艾及良辰老蟾正展萬年力圓月未開

一半輪便取五絲來繫角認將八字可通神翰林水鏡江心得與

別蝦蟇妍醜真

高貞一題像

文書小吏識君顏班范平生史筆傳君被薦與歸去北窗風枕

玉堂鈴索夢當年

三載淮南異績傳折腰忍向督郵前君為五湖縣可憐對策雄心

在正是孫弘博士年

耆舊甬東餘學案王梨洲著學案山陰一派屬君家梨洲曾師劉

編排取出便便腹不用重繙書五車念臺先生萬

疾惡如風想昔賢禹鴻臚筆妙能宣尚基難教世上啁啾息認取

雄姿鷹與鷗

詠芙蓉美人蕉應温郡王教限五律七絕同紅蘭主人無

秋晚芳華發水邊翡翠巢風枝裊殘葉露粉拆香苞藩府文儒集

閒窗句子敲疎狂容下士望古只嚶嚶

嫩綠沉沉秋不枯移來朱邸植根株夜窗聽雨聲聲好不道紅粧

到彼姝

重九前一日集紅蘭主人室應教即席分韻

席帽何曾落時初芳筵此敢叨華林分苑樹雅樂奏雲璈黃菊開  
還歛蒼華祝更搔陳思一言錫詩中有見榮暎奪宮袍

送錢箴山之任茂名

符分合浦兆還珠沿牒王程促使車風土紀中殊不惡一條丁水  
下銅魚

要龍巧落雲中岫烏特低如果下騶曲檻疎簾迎爽氣沙田熱水  
勸耕疇

哭子方直十五首

析薪負荷常期子持杖扶行遠為吾乍可溫恭共朝夕一時隻立  
旅情孤  
慶間開卷陶元亮德薄居貧司馬微致汝飢寒良由我可憐志行  
不相違

惡衣惡食真不恥寡悔寡尤可庶幾執德未弘摧折早上蒼生汝

亦何為

天意摧蘭忍早刈吾非得馬重生災時多疑余舉場當得雋元微

萬鍾卿相寧相易濩落於今更可哀

爾才添得今朝恨假若頑愚却易忘一閉重泉骨化土分明欠汝

淚千行

銀鈎奕奕最憐渠羅趙前頭可炫書委置篋笥難重把拚將飽食

付蟲魚

年比長殤加又二未成嘉好失昏期不能字子真遺恨越絕書中

罪我時丈夫二十不娶父

破懷死意見東動哀吟窮老那堪碎却心為報弄珠莫凍手貧人

天不與家珍

迢迢歸觀向江東忍看淒涼罨網蟲慙愧朋儕脫驂意首丘慰汝

夜臺中

土木形骸正自疑果然門卒也加笞送樞出東便門平生第一傷

心處東便前頭送汝時

吳楚驚傳災祲同百川流橫不歸東放舟仍是吾兒向滄海茫茫

到眼中兒去年從余入都舟行值大水有此詩句

水闊風多莫漫驚布帆無恙暮秋程家中那識歸魂苦只說行人

安穩行

離魂去住總難消生死俱應賦大招心比蘭成傷較切三州飄散

甚今朝

斜明月色橫書幌啾唧蛩吟近客牀二十五聲秋漏點聲聲永夜

斷人腸

敢學西河又喪明平生血淚幾多傾余昔居憂九年夜臺知汝還

憐我從此東門斷哭聲

方靈皋下第歸口號送之

七十峰前掩舊廬名高應與世情疎君歸失意等閒事只恐鄉人

懶讀書

茹英來話別口號

感君過我慰途窮習苦年來似蓼蟲故里定逢相識問為言心禿

已如翁

次韻俠君下第南歸留別

虬龍欲化更蟠泥驤裏逢人又蹶蹄俠君名在乙榜美譽數車仍不識燄

光二丈詎為低平時矯首雲中鶴此日望天甕裡雞詩本百家憑

甲乙山窗歸去獨深栖俠君有元百家詩選

妨君早達是詩名往往高歌雜苦吟學野人家從夙昔依禪客院

是而今許渾下第詩靜依禪客院幽學野人家俠鶯花姹姪逢人

笑天地森茫積水深收拾絲桐謝凡耳當從爨後覓知音

黃芽菜

過宋山言  
小飲同賦

未嗟寒事成牢落大有冬蔬慰老饕略似廢畦傷蠹候難分纖指  
落碁操入腸好與冰心冷放筋空憐肉食豪我若金門還索米園  
官本數欲全叨

寒山

消寒第二集限  
空青韻二首

蒼翠非減色冷容洗欲空蒸殘雲霧雨刻露雪霜風剩有參天骨  
彌瞻拔地功發生原爾性草木待春叢

頭訝早成白眉輸未了青自多陰霰集仍有日華經卓立無嫌瘦  
凄清類獨醒此中草堂在疑有勒移靈

獻大司農澤州陳公五章

中天唉舌動星辰公望公才聳縉紳身似太行環魏闕道從涑水  
貫河津度支 帝重農曹寄中正家傳水鏡真公昔位  
冢宰 契合昭  
融惟一德坐調元氣福生民

根柢詞林幾鉅公高文大冊獨春容河東舊記書三篋殿上雄談  
席數重遮莫癖成杜武庫深知義據鄭司農禮堂寫就傳人在不  
獨功名上景鐘

敷歷諸曹執國成頭銜常自帶冰清身兼永叔文章大朝有温公  
書局榮時公總  
裁明史 地望更無苟與竝子孫皆得鳳為名攜雛深傍天

池躍一道沙堤照眼明

一氣洪鈞轉八荒菲菲玉琯動初陽調成丹鼎真元宰泛遍衢尊  
總壽觴的爍火城看避路輪囷雲物為呈祥天教甲子無窮筭正  
是生辰日線長六十初度之  
辰適當長至

曾登東閣氣氤氳綠鬢方瞳笑語殷年比公孫纔博士身非長孺  
揖將軍蓬萊仙杖何須拄羔鴈公門正作羣下士可容一觴祝車  
茵仰見醉顏醺

野梅

消寒第四  
集限八齊

江路通游屐邨墟繞杖藜數枝斜亞水千樹迴分畦開壓宮花上  
香羞山麝齋暎空朝彩爛照遠暮煙淒皓潔心如此光華目恍兮  
樵童橫竹笛村婦漫簪笄酒熟岐亭道詩吟灞水堤蜂銜尋舞袖  
雀啣下耕犁松竹良塗並雲霞暝色棲落星啁翠羽伴月叫荒雞  
神女翩遊洛仙姝逸出閨上林名作友漢上林苑有麗友梅處士僻應妻油  
碧停車障香塵襯馬蹄攀條銀鑿落籍草玉東西訝許聯珠貫疑  
登取月梯遺榮留碧實刮眼待金鑰梁帝層宮賦何郎解舍題兔  
園標序早網戶拂枝低亦有牆陰植兼聞驛使攜幽貞心不改折  
贈路非稽自昔冰霜質宜參廊廟珪應須來在野商鼎不嗟睽

大司農陳公辱先手札惠以潞緞感而成詠仍用申謝二

首

紙窗燈火靜相親不夢歡華天上春忽把瓊瑤驚手重爲憐裋褐  
覺情真折釵自用尚書法華袞仍褒野外身公書中見獎近詩未論光輝

借卿月孟公尺牘久應珍

濯濯千絲麗日晴潞川匹似蜀江明鳴機裂下光初射公札云出

織端綺持來贈不輕未似錦鯨克褥過便疑紅綬繞身榮裁成衣

著春天舞鞵旅知公汲引情

蕉葉

消寒第五集皆以酒器爲題

歲歲屠蘇釀草菴平生蕉葉只禁三影添碧玉螺紋旋味帶芳華  
羊角甘南州異物志蕉一種名羊角者最甘垂蔭宿披雲露液夢歸鄉入黑甜酣憑

君百棹觥船滿自托坡公飲不貪坡有言今亦能飲三蕉葉矣

芳心弱縷巧雕鏤甘露承來滑且柔漿浥桂椒同臭味雨聽點滴  
亂新篳碧筍尚帶荷心苦翠羽空驚霞彩流翠羽流霞之杯見江總賦爭似窗

前舊種樣旅人一酌便消愁

東李編脩丹壑兼呈中堂公

相公鈞軸和台鼎才子詞頭草直廬重見扶陽封漢代人間還有

帶經鋤

後堂絲竹曾容到東閣賓朋更許攀海內公家擅良笏庇將寒士得歡顏

三千風月好詩篇冰扣珠排徹復圓我欲問君還乞取詞波肯與漲淪連

每歎如錐處世鈍堪憐似棗一心丹困鱗尺澤終何適浩蕩那知冥渤寬

諸公行蓋出皇都時初下學使者命府有芙蓉高咏無今日論官不論幕誰為收得阮元瑜樂天詩不羨君官羨君幕幕中收得阮元瑜

渡蘆溝

桑乾重渡蘆門前忽閱浮生十五年橋下寒流長灑灑笑人寂寞已華顛

灰洞

陵谷人間幾變遷燕南涿北路依然經過靜憶石湖句洞裏飛塵欲漲天

白溝河鎮宋遼分疆處

區區角上鬪蝸牛南北分疆限九州猶有行人指點說白溝當日似鴻溝

宿豐城集

平原漠漠接神京忽湧羣峯照眼明地脉北來多蜿蟺岡巒南走塞蒼旻月題犖确鳴危徑風磴微茫辨去程小市山坳投一宿廿年回首總勞生

李家莊旅舍次韻夏重題壁

嬌鶯三月不聞啼柳受東風一線西名姓君應書淡墨心情吾已絮沾泥

顏家巷裏同停轍吟興輸君絕有餘若解看花須趁早十年我不

悔騎驢

夏重詩若要看花須趁早防他一雨便成泥

題宋既庭先生松風獨樂園

絕筆何年倩畢宏蒼髯白甲走虬龍先生巾履如商皓一曲紫芝慘澹風

杜老蓬萊獻賦還堵墻學士自清班懸知箕踞科頭意相賞惟應松石間

范公後樂志存民詎異温公獨樂身便是一瓢顏巷意何妨白首卧松筠

往事悠悠二十年先生名德獨巋然坐消萬古清風籟官冷無嗟老鄭虔

題放鶴圖

李總憲水明樓下有一鶴因作此圖

蘇子題暮僚東山朝向西主人亭畔不曾迷劇憐清遠紅塵外放鶴歌應

歛翼翻然肯就笈遠翔雲表不須呼物娛人罷人娛物長頸從渠

閣瘦軀

無塵有水洛中居殘夜明樓得似無飲露一聲霜翮展海天何處不搏扶

丁丑夏客昭陽王景州歙州相次招飲作詩紀事并索和

寂寞江天覓往還二州為我啟柴關賢伯仲名相居隣參佐東西

屋人傲公卿大小山雨散輕埃催好句酒傾碧琖上朱顏明朝又

續開樽約未信吾曹樂事慳

李礪園前輩招飲次慳字韻却贈

青鞋布韞老知還碧篠煙蘿靜掩關代感興亡書甲子天教判斷

足江山出示記游脫巾初漉淵明酒擁髻長憐通德顏調就香羹

偏好客礪園有夢姬今年玉粒未吾慳

夏夜納涼同李喈文口占仍限前韻

魯陽揮處詎西還，簾際風如客。欸關涼露漸舒微，卷葉火雲盡埽。  
欲頽山藥欄，繞遍同君醉。亭子成時待我顏。新築亭成以題額見屬怪底才  
無白也，敵百篇一斗，不曾慳。

題礪園所居

來探竹所王子猷徑造竹所後便神怡綠到鬚眉不自知炎月細來楊誠齋有竹所記披陰洞霧隣家分蔭出牆枝，招邀觴詠賓朋萃。閒話升平歲月移，  
白社只今留一老。甘心簪紱委如遺。

閔廣文餉茶賦謝

酒闌忽點壑源茶，冰雪光中散紫芽。隔宿餘甘留舌本，色香味絕

向人誇。

前一日招飲出佳茗一杯次日舉以見餉

白絹斜封起畫眠，先春蓓蕾發芳妍。煩君鄉味能分餉，習習清風  
到玉川。

籍糟枕麴口流涎，京雒羣公日萬錢。首宿闌干君勿訝，好標瑞草

作茶仙

與家損持庶常遇於興化即日書事

森森東來灌百川，驚濤天地與洄沿。繫舟蘆末魚龍吼，剪燭尊殘  
風月娟。飲啄稻梁秋後思，叮嚀鈴索夜深傳。與君便合升沉判，幾  
度滄浪共扣舷。

題雲海圖

誰將雲海千重割，取天都半峰結箇茅。亭高踞閑來策杖從，容陽  
林花發蕤蕤。幽澗水流淥淥，吾欲從之。日夕憑闌長盪心，曾

紀夢一首呈新城王先生有引

戊寅臘月二十七日夜夢在京應舉飽食於先生所。先  
生亦將命駕似即主此試者，彼此卒無一語及私也。飯  
罷送余出舉袖拂余有頃，先生以鼻嗅曰：子衣殊有異  
香，余曰：身惹得先生衣香耳。因暗吟一句曰：平分半袖

香覺而足成之

五十忽焉至休嗟點鬢霜公仍知貢舉我已老名場不負十年讀  
平分半袖香却教衣鉢在夢裏著還嘗

鄭御史招飲觀女樂

翠帷呼出綺羅香一弗歌珠惱夜堂不似夏侯徒好事隔簾深護  
伎衣裳

鷓鴣句好新裁曲獬豸冠高舊切雲南國又逢司法宅掌中雪態  
舞長裙用盧果之詩句

辛巳臘月往興化邂逅王歙州於邵伯歙州至家即招李  
大村共飲作詩紀事用原韻訓之

筆鋒消盡敢言才歲暮難歌歸去來南埭逢君方繫艇東城邀侶  
共銜杯交期似對寒林石歡意休巡冷蕊梅追憶其兄景州也還許琅函  
探祕笈一回展卷一顏開歙州出所藏勝國名賢書翰相示

李廷尉棗園之後有小亭臨水為其家蒼頭所築余愛其

幽絕輒留三宿題壁四首

謝府殷樓嘯詠餘菘煙蘆雪一蝸廬分明岸上牽船住絕勝思光

少陸居時余卜居未遂

玄經草就先生去石髮垣衣綠合時殘夜獨明樓上月伴談秋水

與誰知園有水明樓為映碧先生著書處

五載驚聞水半扉鷓鴣接翅鰕魚肥竹林蒲倚存生具重整盤針

舊釣磯

比夜黑風吹海立便疑一室捲波頭朝來鋪徹瓊華淨急鼓東行  
訪戴舟

復自興化至邵伯經三日始達

楚陽百里道三日淹郵程野闊鴈同宿村荒雞絕鳴船迎冰段利  
霧翳日華明卒歲千家計年年羈旅情

贈揚州劉使君

劉自翰  
林出守

曾捧紅雲侍玉皇一麾遙暎斗牛芒非同二始疵文雅自要無雙  
出衆芳春動雷陂勤貢父味分蜀井記歐陽于今莫笑子琮輩也  
屈名人縮郡章

籍甚京華數二劉共聽鈴索上螭頭蓬山閬苑神仙侶烏府朱轡

寵錫優

使君同產兄同在  
翰林今轉御史

天上

璽書聞獎語人間襦袴起風謳

懸知金帶圍先兆郡圃明年盛獻酬

題汪民長書齋

湘簾綈几墨花香割盡紫雲似覺堂十二硯齋堪復構廿年殘夢

續初長

民長叔父蛟門刑部號覺堂曾夢至一齋壘壘置十  
二硯因顏其室曰十二硯齋詩文題詠盛傳於時

壚香茗椀稱幽棲傍架書籤萬軸齊更羨君家好兄弟不曾分箇

屋東西

十月十八日夜夢三弟用霖還家既覺口占

夢裏依稀說汝旋迎門一見我居前毋妻次第團鬪慰顏鬢相看  
荏苒遷黃耳繫書虛驛路青猿煮茗得新緣缺音問者半載近  
得書知買一僕數  
聲呢喔驚孤枕客路三千又惘然

郭于宮招同狄向濤顧俠君汪民長集城北郎氏園

重城北出畫屏中十里林塘架彩虹競作水齋浮淺瀨行尋石磴  
上虛空雲山傑閣巔崖樹壑谷深杯窻窳風泥醉憑欄吟碧月荒  
臺猶說夢吳公

行廚竹裏畫船通閒即招攜把釣筒若下春如寒澗碧前頭人趁  
晚粧紅樓臺深鎖松筠色煙月常迷歌舞中爲報閭丘故交道此  
遊清絕五人同

秋日平山堂口號

數望雷塘蕎麥風暮鴉無復管隋宮殘碑剩覓題詩處千古平山  
屬醉翁



樸村詩集卷八

律詩

壽京江相公六首

萬里江源自沃焦扶桑日浴  
海門潮潤通溟滓爲甘露氣挾峨岷  
建赤標仍世文章南極冠切天魁象上台遙輶收霖雨雲棲棟已  
贊乾坤共廓寥

伊呂高科衆早降集賢著作更無雙  
圖書祕府尊燕國風度傾朝  
羨曲江不假兒童稱姓氏可知元老重耆龐戴公山下  
東巡宴  
松蔭新題照此邦

講殿從容揮制頻登庸帝載起經綸  
房謀杜斷昇平運孔思周情  
述作身乍向東山尋賭墅也容下士吐車茵一趨  
丹詔渡江去  
仍是濟川舟楫人

銘勒祈連瀚海濱櫬槍掃盡黑盧倫驚瞻  
御蓋無成列喜卜巫

言見大人忠決萊公河外策誠消郭令馬前塵功成只作等閒看  
聖哲為心小一身用杜

萬歲樓邊千歲姿堂陰藹藹結虬枝謂松風前翠蓋蛟龍舞根底

黃流琥珀脂花閱藏春饒日月浪翻多景譜歌詞尊開十丈紅雲

爛為倩如船進一卮

黑頭爭羨十年前甲子纔過好駐顏翼翼小心通聖敬休休雅量

擢時賢施堂帷幔友于竝隔御屏風步武聯更有千秋金鑑在江

心鑄就便朝天

贈周同知燕客

侍郎旌節照三吳合沓高名蓋世儒共道渥洼生有種又持英蕩

出分符折標氣奪朝賢會畫諾功資郡政敷不見花時還選客魏

公會與半山俱

壽夏乘六教授六十

南陽曾出袖中文第一常教位置君葉文敏愛往事悠悠誰論列

芳名藉藉共知聞夏侯采獲資都講安定陶成盡出羣弟子尊前

齊捧學廣陵煙月蜀岡雲

三秋風露發晶英激灩金波潑眼明開出青池成玉宇平鋪翠岫

入蕪城泠泠水調閒鼓吹撲撲天香競酒鐺若向淮南共招隱五

年以長正呼兄

題周宜一寫照

曾記聯吟老樹前往與君唱和寓齋前一樹兩人日夕韶顏冉冉

各華顛羨君暖閣迂齋好不負辛勤三十年

哺巢生子各嗚嗚吾愛吾廬樂意敷悟道此翁原自早要將紙筆

論賢愚君晚

雪兒歌罷曲欄憑綠幕黃簾鋪剡藤妙楷看來如斫陣前身真箇

是吳興姜西溟曾目宜一為子昂後身

董孝廉屺瞻卜隣五載復將移居為之黯然賦詩送別

五載荒江上君來共四隣生徒尊馬鄭星象動荀陳鴻爪無留跡

椒盤只暫親余歲一歸家今年人日君來訪余留飲即以叙別載行書數束相送淚沾巾

衡宇愀相望百千慚買隣寒裳從德操骨法背僧珍閱世垂垂老

論心得得真從今還往隔憑仗送書人張籍詩門前減却送書人蓋以得鄰為喜也

四海論交久與君心轉親深知淨冰雪何日起經綸霜晚皂鷗擊

寒侵梅萼新此生入林約把臂更逡巡

題畫萱為左揚州母太夫人壽二首

高蓋迎南海歡顏到北堂丹葩方的藥粉本亦熒煌名豈皋蘇竝

廳兼芍藥芳州宅舊傳有芍藥廳春暉行可報金作帶圍光

翠袖翻堦葉紅雲貼地花宜男徵紉佩養性比餐霞慈竹三峯共

茵芝五色加郡齋近一產靈芝一株恒寶有分映及吾家向曾見沈石田先生自題畫護詩有云吾家寶有一株存余以年月按之時其母已九十餘矣左使君太夫人今年八十有四而余母亦七十有六每憶石田語心篤愛

之襲用於此

客有以畫萱貽余者走筆題之

忘憂坐對一株真彷彿晴天霞彩新攜向北堂娛老母兒年五十

不知貧

亭亭金質出幽貞簾境應從昔夢徵便過百年真不謝長歌歌好

倩青藤徐文長號青藤山人余前用石田詩題萱友人郭于宮因微徐文長事和之文長有百歲萱花歌云上壽何人姓張

者畫裏萱花長不謝又有百歲筵前齒甘簾之語從年余師朱霍臨先生為言夢至余家見旗竿一木樹於門首簾揭其頂今因于宮言庶幾於青藤詩有徵也

虞浣之畫廣陵芍藥見貽漫題六首浣之本常熟人僑居揚州

海隅散髮想虞公東府恩華躡屐中鄉俗故應殊不惡尚餘文彩

屬斯翁

檀心倒暈紅樓子釵股斜抽碧玉枝何處霜刀天女翦毫端春色

化工移

開殿春園國色舒雜花掃地總無餘唐昌玉蕊何曾覩占得無雙便是渠

浩態欵紅醉百杯温馨繁豔出重臺煩君妙絕寫生手引我仙宮坐百回

黃鍾家擅異花枝天力常教與護持漸老羞聞金帶語不須過客擬升之

畫手當年數劔南一枝風露就中含只今烏目山樵叟靜與龍興舊譜參廣陵芍藥劉貢父王觀俱有譜以龍興寺為冠絕

書懷寄周確齋

異時常擬喚殷兄霜鬢隨君次第生心似吐絲難作甕身期鳴鴈不遭烹萬間大庇歡何日一束辛勤願未成詩酒放懷疇昔事老狂欲續少年盟

李皇望從廣陵還興化索詩

相國家風敦薄夫平泉非有亦非無肯教樹石間相守端為詩書費楷模

香稻千門穉稭風蓮房菱米一時豐歸家更膾銀絲鯽一醉冰輪

浩蕩中時值中秋

簡周司馬

五茸春草最芊綿三泖滄波清且漣人為使君歌德澤我來親見

起顛連司馬攝松江府有窮民不能娶者其妻為一富豪所奪余適見之為言其事使君即斷歸之

曾共難兄一畝居酒軍詩敵盛相於司馬之兄雪客曾與余共集京師一畝居時會者四十餘

人海內名流無不與者而今淪落揚州客只少聽鐘王播如

供蘭

九畹滋幽色一生吹古香膽瓶靜相對心事爾堪商

郭宜人設悅令子于宮見招賦此為壽

水曹昔未識詩翁拜母今來觴酒同幔隔絳紗聞世學巾傳塾角

想高風絕塵二到名方盛仙會三源秋正中分得尊前玄鹿脯與君燕喜樂無窮

瓊花觀前一老翁種雞冠千餘株奇葩異彩莫可名狀今世定無其比料古亦所未有也歎賞不足口吟六絕句寄之

后土祠前雞幘花繽紛百種散朝霞虛憐鴨脚開瓊蕊唐宋中間

勝事誇晁無咎有詩云揚州勝事吾能說鴨脚瓊花三百年

團露籠煙鮮彩蒸卿雲紉縵一庭凝司花作意勞金翦日傍朱欄色色增

染不能成畫亦難化工騁巧與誰看只應寂寞蓬蒿士攜手頻來

共倚欄

五茸城外九秋時散策尋花久繫思已訝小雞爭洗刷昂然爲爾

合頭垂

生平見雞冠以松江東門外一野人家爲最皆矮而多姿便謂花之形質宜於矮矣此以昂藏而愈奇

月華雲散墜重重化作千株異彩濃眼纈驚看渾似霧對君疑只

是仙翁

繁華苒苒不棲枝誰比此花歷一時除是吾鄉籬下菊寒英能久亦能奇

送吳雪臣省覲之碭山

爾去趨庭近二洪先生氈席繞清風傳家慣引流泉酌屏障無嫌編竹篷

兩廡誦誦講誦俱獎成還有二曹無漢泉漫藁殷勤訪守憲體忠教更敷

秋夜對月偶成

余所寓李總憲之宸翰樓面帆引閣中一橋爲渡橋架於宜夏軒之頂看月爲

宜三秋望前後余每清宵吟咏率爾成詩

畫裏樓臺靜掩宵著身岩石更超遙三秋輸我飽看月帆引閣邊屋上橋

題西友兄畫百合遺跡

薰風庭院日初長  
彷彿空林百和香  
知是幽人間染翰  
蜂鬚蝶翅不須忙

靜慶空山麝散香  
娟娟千朶月爭光  
緣何繪作文彪炳  
虎變還將壓眾芳

百合有名麝香者最清芬此所畫乃俗云虎皮百合也

風流頓盡阿誰知  
齋酒兄前更莫期  
陳跡仙雲堂裏見  
只留彩筆想音徽

畫為姒珍弟所藏仙雲堂姒珍所構其名兄所命也

題家漢臣都門送行詩冊

昨歲青門驅馬還  
滄江天闊白鷗閒  
憐予岸上牽船者  
不及兄居只欠山

漢臣所居曰欠山草堂

積善堂臨槎浦開  
閒情重覓水雲隈  
可知世業千秋在  
學部因明讀百回

大參公有積善堂詩云舊宅臨槎上茅堂切水開又有靜對水雲隈之句學部撤辯因明子皆大參公所著書

文成世業一編書  
提領功成水竹居  
余家裔出留侯南渡祖為岳武穆提領若使方

平諫草入重光家  
乘昔賢如漢臣客京師曾代一滿大臣草諫書惜其未及進也

趙蒙泉從定陶乞歸移居南城次王樗園韻奉贈四首

先生真視一官輕  
地近滄浪幾濯纓  
滄浪在今嶧縣去定陶不遠歸傲羲皇開

北牖居深水竹占  
南城醉鄉共入無  
何有詩思誰嘲太  
瘦生避世君公正

高隱牆東相喚訂  
幽盟來往翩如一

葉輕此身那更縛  
塵纓湄亭風月長  
兼主浴日雲霞照

一城蒙泉舊所居鄉有亭臨於水上曰湄亭城居之堂名浴日以前有方池也花塢未除青蔓架

藥欄還看碧漪生  
野人到此應高枕  
托拜年前有夙盟

策策苾鞋五緉輕  
登堂一笑脫冠纓  
人從曠遠同于野  
道豈孤高不入城

無事垂簾如治邑  
問奇載酒有門生  
關心幽夢猶思我  
欲續間鷗海上盟

拚移家具一車輕

談笑同君冠絕纓  
惆悵居隣非北郭  
安排聯句負南城

懷章但可驚羣吏  
綿蕞方當尊兩生  
若向淮南賦招隱  
桂

叢岩畔不渝盟

王震來明府以終養乞歸遽聞太翁凶計有哭別膠城父老之作次韻二首送之

操刀劇邑善持平誰料賢侯絳組輕報國只留遺愛在寧親不遂去官情士林憔悴都無色隴畝謳歌半未成敷政逾年悲罔極人今無祿淚縱橫

金谿練水政俱平祖硯留傳視敢輕乃祖曾宰金谿却望飛雲勞陟岵早懷投紱為陳情斷腸鳥掛聲初咽相見坡高願未成黔中有嶺曰相見坡斷腸鳥其地所產也聞道昨來知疾耗舒書設几淚先橫

送陳子文之任石阡

十載相思蓬鬢秋逢君艤艤駐邗溝綠尊紅燭今宵會知府山頭念我否石阡有知府山此去牂牁四千里尊前相送意蒼涼知君心似無波井故遣南行

水似湯

都門祖帳日喧闐最是詞人數兩髯不遣朱雲為屬吏石泉名是石阡兼前年朱悔人宰石泉京師祖道之盛與今陳使君略同陳語人云吾亦一石泉也謂其屬邑有龍泉合郡名而兼之世疵文雅語堪稽俊異如君更莫齊休歎一麾遠出守播州猶在此邦西

排衙山上即官衙彩仗還穿銀杏花更遣翠屏為筆架遺文金石篋中奢子文著金石遺文錄

贈曹巉使子青

帝重東南簡使臣碧幢紅旆轉江津公以江寧織造兼此職裁成雲霧天章煥控制河淮國賦均風月棟亭無俗客公江寧署有棟亭諸名人皆為賦詩繁華玉蕊領芳春即今天下才多少詩思幾看子建親

清淨曾傳畫一歌傲衰終擬繼蕭何均輸漢代需材久管榷裴弘孰爾過試叩書倉還積石可容賦海續熬波公餘多暇延賓從江

岫淮岑共一哦

題鳳阿六一圖

莊生齊物我蘇子均得喪東坡云居士與物均為不先生但物物  
理出諸家上

結廬桐竹間棲食養鳳德莫更操求皇圖有妙姬大知君空是色

題王勤中紅豆紫笋圖為家日容作有引

往者惠密雲元龍居近東禪寺寺有紅豆一本特繁茂  
因號紅豆主人日容與元龍衡宇相望又甚莫逆元龍  
既沒日容收此畫藏之以余與元龍最善而兼善勤中  
出此畫索題愴然感懷成四斷句

妙繪傳來芳草堂勤中深翰垂垂紅顆出花房折煙東露底相竝

同試春園一日香

惠子常稱紅豆主王郎妙絕畫中詩只今南國相思種空唱龜年

一闕詞

畫手忘菴詩研谿濡毫萬象見端倪篋中淚落餘縑素戢戢猶看

東筭齊忘菴研谿  
二君別號

下邑干林方張王筭於吾嚶最  
為土所宜東禪一樹昔彷彿匠門珍重開遺

墨即是王君寶繪堂日容別  
字匠門

贈織造李公二首

中天列宿正森芒茂苑羣瞻榮戟光五彩彰時龍作會七襄報處

錦為裳助成恭已垂衣象剩讀蒸民補袞章指日乘驄淮甸肅法

星晉秩更煌煌時公兼巡鹽御史將按江北而  
皇上南幸晉階大理卿

從知仙李盤根大却望行宮瑞靄屯一擁旌麾留使節三開閭

闔作天門公自居職三遇  
南巡駐蹕織造府皇上寵逾香案神仙吏身捧紅雲

玉座尊五柞長楊爭獻賦獨甘漁釣老無聞

題家匠門潮生閣

綺疏通遠岑活碧弄淺渚我欲攜被來夜聽舟人語

三宿戀未休百川時已灌披襟雄風來圖畫四面看余初登此閣即得前首下

二句今年秋留宿其上成此二詩

題廷尉李公射獵圖四首

臂弓腰箭落鷓鴣首著初肥騁紫駟錯認關西風氣在唐堯大理

正其儔

一丸曾奉

至尊威殿上鳴鳥敢載飛國士到門還輟洗幾多

光價及寒微

颯爽英姿幹事臣桐陰出孔技如神知公國土封侯相白額駒生

記此辰

李魚川上李公騎弧矢相隨秋草黃若遣麗人添一箇飛鳥斜射

更生光

題竹村圖

如公豈可居無竹種竹成林興不凡綠霧細披縈鬢髮青霄直上  
傲松杉霜餘爛爛霞蒸樹石罅斑斑菊繡巖幽徑相過人不覺那  
知身更著頭銜

秋闈前趙蒙泉有詩見送報罷次韻答之

陶令歸來是我師分無鯨力奮天池吏情更協滄洲趣霧隱終慙  
玄豹姿文似相如名競達才非李廣數何奇只今誰壓羣兒凜臍  
有辨香不自疑坡詩維時老宗伯氣壓羣兒凜臍來詩以歐陽之得南豐為擬故云

冬夜趙秋谷贊善得巨蟹共飲

與君同旅夜何物佐銜觴甲撤騷人屋螯凝秋女霜平添白墮力  
送到黑甜鄉身世滄洲外悠悠莫等量

追哭姜編修西溟

此老一為別流言吾亦疑至今冤未白豈曰涅能緇覓句清尊共  
論文永古期夜臺今寂寞君亦定吾思

追哭吳天章

昔別尚青鬢哭君頭白時那堪三十載不寄一書辭落落晨星盡  
茫茫泉路隨莫言寰海大難覓舊交知

題徐虹亭先生豐草亭兼為其七十生辰壽

百尺蒼松蔽遠空不妨細草發春叢知公愷悌心長在吹出清風  
即惠風虹亭自號  
松風老人

傳家宮體舊知名況是青睛慧相成記否茲辰曾集鳳五雲多處  
誕先生

竹莊詞子徧雞林篇易賈人一餅金虹亭昔有菊莊詞一  
卷高麗人盛傳之老去醉  
吟還自傳相看白傅是知心

松風老人年七十亭成豐草發奇馨金風亭長往來熟二老人呼  
是二亭朱竹垞先生自號金風亭長與虹亭  
最莫逆豐草亭名竹垞所題署也

自笑蓬蒿歷徑荒羨君落落長松長垂虹何日一尊酒共吸金波

千頃光

輓宋既庭先生

吳會驚傳耆舊亡郭門蒿里久淒涼百年名輩交先後四海典刑  
墮渺茫無復樞衣牀下拜須求槃石墓中藏可知有道碑無愧故  
宅猶餘文藻光

邗溝舟次與家日容徐端揆話別時余將往中州同行者  
為吳江周漢荀各賦詩次日容韻

峭帆同渡大江濱詩酒寧汙吾輩人池上芊綿春草夢管中翡翠  
玉臺新一杯笑吾顏先渥萬卷看君筆有神明日玄言彥倫共夜  
濤愁聽沒洲蘋南史張融遇周  
顛玄言累日

過儀真懷洪秋水

東園壯觀久蒿萊只有伊人堪溯洄白露蒼煙還弔古與君何日  
共銜杯儀真遊觀登臨之勝有二發運司之  
東園北山之壯觀亭見楊誠齋集

六合道中

六合峯成六高原蔽大川馬衝殘霧路鳥啄近耕田渡口喧聲寂  
茅簷糲食便却憐醉鄉尉貰酒不論錢王無功曾為六合丞

豐樂亭

策馬滁陽道看山意自悠昔賢曾作守遺跡一來遊歲美今何似  
人和信有由紫微泉一勺澄澈獨千秋

醉翁亭

向背憑青嶂滌洄瀉碧泉山川留昔面人物渺當年禽鳥管弦樂  
龜螭苔蘚纏淹留吾何計悵望夕陽天

曉霧

曉霧侵人天四垂望中平野水成圍驅車直向臨淮去雲海人家  
是也非東坡詩隔淮雲海暗人家

渡淮

渡口喧喧淮水頭不生風浪不生愁滿懷塵土憑除滌莫入黃河  
混濁流

前遊豐樂醉翁餘思未盡復贅四絕

黃州曾此作滁州俸外何妨果實收只為豐登生事足太平釀出  
此風流王元之詩俸外不曾收果實公餘常愛入林泉

落帟雄文萬古傳知公心事我應偏不緣真箇同民樂放浪林泉  
是酒仙

白髮門生不負公大書深刻鎮山中斯文斯字真奇絕數百年來  
只兩翁

半晌清遊過眼雲曾存丘壑味難論一生幾屐何須歎再入此山  
也勒文

旅懷和漢荀韻

心跡頻年未遽違緇塵那復染征衣虛慙儉府芙蓉茂愈遠親庭

魂夢飛三釜不思霑祿養寸衷長自繞春暉敢言密密手中線便可遲遲望我歸

出江南省界口號

過江漸隔家千里此地鄉思更倍之心逐孤雲空遠望馬嘶殘照又前期

永城道中

愁絕淮西曠野行欣逢煙井接村氓棗林纂纂空霜葉樓堞家家小雉城宋鷁遭風飛自退吳牛帶月喘常耕翹翹已入中州道故土于今望眼盈

經穀熟集

柳子厚以河東為故土云吾固翹翹寰裳余先世遷自開封故云

三毫知何所湯都此故墟數家茅結屋未忍即驅車

過陳農部子萬話舊令二子出見有作

君來南毫便為鄉抵掌燕臺往事長歷歷棋枰堪覆著紛紛傀儡

罷登場渥洼生駿寧無種車杖占星又共將重見家聲續端毅荆

溪睢水兩相望

子萬祖端毅公故諱朝名卿贈少保子萬從宜興遷商丘

閔伯臺

城西百丈起風埃旗鼓喧喧逐隊來遠自堯年靈爽在紙錢灰裏

一登臺

俗傳正月七日為閔伯生辰爭持紙錢焚之

題北渚園八首

間行訪漆溝北渚得其似志書漆溝在北門外佳處接西陂平泉

何足擬

西陂冢宰自築別業此園因臨城濠故名

鏡光磨遠空天影涵澄碧紅糝水面鋪娛此堂上客照碧堂正臨城濠夏月荷

花特

玲瓏達八窗深廣明七室傲然枕席間江湖遠思出歐陽公畫舫齋記云齋廣

一室其深七室園有齋似之其額曰扁舟落吾手

潭心起蛟涎潭口足蝦菜蟹舍與漁莊視此遜猶倍步撈蝦

青松影鬱盤怪石勢踳踞檻外白鷗來呼人伴眠去狎鷗處  
我是荷蓀者聞吟北渚莊森森數襲筆真復似筠廊筠廊太宰公讀書處所著

有筠廊偶筆

洛陽無真花洛人以牡丹為真花見歐公記今洛中幾無花矣異種集此土誰攜畫筆來

開時圖作譜牡丹臺

欲看亭外花來坐花外亭亭花兩無意遊人自醉醒花外亭

送汀漳巡道宋稚嘉赴任

天上星辰聽履聲剖符才子動行旌闕臺早潤煙雲色茂苑重經

節鉞城海接丹霞層嶂合民歌惠澤一泉清丹霞與惠民泉皆見漳州志承家

報績趨彤陛還傷沙堤燈火行

丙戌早春余在商丘以念母乞歸漢荀有健羨之色作詩

相送和韻酬之兼柬陳主政子萬

歲華冉冉又重新堂上增年近八旬底事嗣宗無奏記漫勞靈運

載歸人時子萬有同舟之訂相依鷓鴣飛鳴共欲逐雲龍下上頻待爾曰歸

來拜母垂虹亭畔浣征塵

顏魯公八關齋碑同子萬長君執夫連騎訪之

為訪唐賢跡吟鞭共出郊碑穹雲暗護石壓土微坳面面開青嶂

紛紛走翠蛟碑文八面其狀若絕壁其色深翠八關名自古學佛不須嘲

南還至亳州口號示陳戶部

沙晴風暖日華新一騎能高五尺塵從此江南仍在眼好將寸草

荅三春

兼旬投轄有陳遵車騎相攜渦水濱君與余同入亳州不分窮途悲阮籍

煩君料理未歸人

渦口阻風次陳戶部韻

掛帆無百里駭浪已千重沙際騰嬌馬天邊縱毒龍蓬窗難散帙

几案忽塵封會見風颺息無慙郭李同

又次絕句韻一首

想像輕帆馬脫羈沙邊繫纜只凄其吾生蹭蹬多如此笑謝天公  
進一危

又自吟一首

惡風濁浪正滔天白日昏昏好醉眠萬頃何時同一碧岸旁桃李  
盡嫣然

將至懷遠風雪大作舟不得進子萬有詩次韻和之

鶴髮高堂又一年無端兩地阻雲煙昨非今是嗟行役雪虐風欺  
怯進船嫩絲重封官柳路繁紅深瑣養花天明朝抱璞巖前過策  
蹇披尋倍黯然

桃杏

桃杏侵尋欲放時春風先暖未開枝溪邊一似臨粧鏡欲語低頭  
為乞詩

龍興寺

萬歲山邊王氣收中都城外夕陽悠猶餘第一龍興寺盛家山有洪武御製  
碑題為第一山異代巋然冠上頭

滁州北郭早發梅花數株暗香撲人率爾成詠

月斜林影淡參差浥露含煙玉作姿知爾耐寒真到骨清香最發  
五更時

辨桃認杏曼卿詩只為頽顏損素姿若似此花同月色嗅來鼻觀  
也應知

衝黑

衝黑衰年怯今朝亟向東鷄聲多漸曉人語遠先通脫險驚泥淖  
微茫藉月隴遠遊豈我事悵望白雲中

是日蹇驢行及百里困不能勝口號以當呻吟

一日能千里從人幼目儂荒塗行滿百策蹇倦成翁晚節非難勵

無車病不容勞生應歸息寧獨爲尸饗

十六早望日月出入

日月互來往青山各銜半借問中天時何如旦復旦

壽周確齋六十

翰君兩載早稱耆端合呼兄壽一卮詩酒放懷窮似昔市朝兼隱道如斯即看賈氏克閭慶未是香山鬻駱時直待會中尋九老還容我作少年嬉

六十生男尚未遲祝君繡祿裏佳兒琴書勿覓仲宣付黎粟偏於通子宜元圃紛披書散隸凌雲截業鬢成絲還須摹取夏侯論膝下官奴一付之確齋有

樸村詩集卷九

律詩

丙戌春次韻賀王給事令貽次子生

給事是年春舉一子京師諸公作詩賀之

皆依東坡韻今歸青溪復舉此子於季冬疊韻索和作此寄之

清禁初辭鸞鵠侶丹山又長鳳皇雛仲將早上保家主樂運須傳諫苑書客到鄉園湯餅足詩栽京國唱酬餘他時次第過文舉爲報雙珠老蚌如

春深臘淺盡克閭人道黃門兩舉雛抱送天邊皆孔釋分儲家具只圖書掌珠紫索神光燦頭玉磽磽世德餘從此諸王有養炬烏衣坐處復何如

題儀真察院樓呈鹺使曹李二公

天池迴合大江濱樓下水池縹緲樓臨下界紛光動朱欄迎出日氣浮雕栱藹棲雲東南繁會羸千舶淮楚飛符走百負節鉞此中餘

興象坐令簫管竹西聞

萬家煙井氣網緼旌旆交移兩鹿轡代換各晉秩為卿朝命以曹李二公山海官

仍餘國息權酷利不竭財源可知法自曹參守益信朝由李勉

尊呼吸會能通帝座豈惟卿月照層軒

列樹參差映綠槐虬龍蟠屈走雲雷影添羽蓋搖窗几吟助笙歌

入酒杯東望澄虛無傑閣北尋壯觀有飛埃傳流僅有遺文在授

簡還應屬上才

登樓誰擅賦才雄目極高岑俯遠空吹笛每乘庾亮月披襟尤快

楚王風雲門曲按宮中奏玉海書逢上善崇張融自名其集為玉海曰玉以比德海崇

善更有篋中鹽鐵論裁成未達聖人聰

### 遊儀真鄭氏園坐一小亭偶成

側出巖之背林端更有情江帆雲外度巒影日邊明垣隱遊人髻

松藏竄瓦甃坐來塵慮淡長日不勝清

### 香葉堂

雙栢如連理葉間鸞鳳棲拏雲護層棟貯月漏深谿雨暗龍吟細

風高鶴唳淒亭亭梁棟質未肯一枝低

### 詠徐閣學庭中桐樹

碧柯雙植傍雕欄夏景蕭森六月寒散髮細披風簌簌攤書長慶

影團團涼生廣坐飄雲幕陰落中庭益食單不特龍門高莫並較

多枝榦蔭崇蘭

常言樹木十年期況爾春秋再倍之直上雲霄森百尺濃露雨露

幾多枝似聞疎越朱弦奏寧與營巢阿閣離蟠結幽根好相待來

栖紫鳳燦離襪

### 余自閣學公宣召入都不見其家堂前梧樹逾一紀矣

重來如對故人日夕吟坐其下撫時感事復作二首寄意

牢落心情一紀違笑人只著薜蘿衣獨吟獨坐相隨影看月看雲

長啟扉葉若剪珪損本質音寧入爨見清徽石欄點筆題新句與爾真如故友依

年來陋巷足棲遲五柳緣堤陰小池多謝諸公勤拂拭敢從清廟進歌詞雲傾高蓋遮炎日雨作蕭疎送遠颺且喜曲欄穿窈窕清光時漏素娥姿

王編脩醇叔招同顧以青集雙清館小飲因泛舟出郭遊半枝園見所和唐常建宿王昌齡隱居韻詩六首如數和之時并同其令子鶴隨

每坐雙清久簷前看度雲平時歲寒侶此日併於君翠篠亭亭影湘簾瑟瑟紋只今猶晦迹鴛鴦待爲羣

論交過廿載一見一披雲七葉多名德諸王更有君三光肘後寶十詠壁間紋吟罷葫蘆擲翛然自不羣

廿載依親舍何曾間白雲慨然良有日

編脩自乙丑予告歸奉母將二十年今居喪過練服

又久矣執禮孰如君飯客樽仍撥哀懷面有紋膝前文度好吾更樂爲羣

出郭扁舟興攜筇似躡雲幽園好風物吟賞向輸君荷芰侵衣袂松筠印簟紋何當假栖息麋鹿自爲羣

何年上林客瀟灑似間雲全樹昔移此半枝吾乞君霧凝松滴翠霞落水生紋見說秋光好還期翫月羣

龍標非隱者結屋在層雲爲愛清光白長懷松際君晚霞紅勝錦野水縠爲紋一棹尋歸路分明鷗鷺羣

王編修辱贈二詩疊韻酬之

幽薄籠朱萼深潛卧白雲小人欣有母大義肯逃君蓼集甘茹苦簾疎咎織紋相看成白首鸞鶴刺天羣

不獻荆山璞惟耕隴上雲剖光誰爲玉泣血僅逢君表司徒謂趙壹曰良玉不以相明者矣蒼繒車無蔽線緣練有紋藥藥空薄俗孰克爾爲羣

又疊前韻呈編脩

斑鬢敢言老泥塗忘却雲此身仍孺子有說傲夫君錦向清江濯  
機添弱線紋長門爭買賦不與馬卿羣

鑾坡承紫禁 帝座繞紅雲捧日能無志祕書合付君貞松蒼翠  
節香稻碧畦紋薄有衡茅在養真非爾羣

追和睢陽五老圖原韻時丙戌八月十六日拜觀於崑山王編修之半枝園

徜徉泉石樂寬閒儒服隨身承露冠高會東都娛白傅敦崇晚節  
戒齊桓人如嵩嶽環方鎮昌黎云四方環鎮嵩當中也圖勝喬松閱

歲寒幸此摳衣拜遺像荒祠無恨隔垣看祠屋宇卑隘又為居民

窺入叩門不納但從牆外下馬躡躅久之

吳生為余寫小影余書東坡傳神記以貽之因括其意為

二絕句

顧陸丹青世絕倫眾中陰察得天真君看顴頰兼眉目何處不曾

傳我神

吾愧蘇公君是程記為程懷立作蕭然舉止類諸生不緣一首傳神記懷

立那留世上名

為茅雪鴻題像

踪跡當年雪裏鴻而今白髮又春風丈人似是商山侶松下誰來

巾屨同

詩課平生萬首餘放翁排日不曾虛憑陵意氣何人敵餘勇賈來

猶起予

為沈宜士題像

沈郎革帶孔頻移擲地都看綵筆披不是減油勤苦後如何譜出

四聲詞

小伎歌喉一串珠又疑靈寶兩情俱不知徐福攜童邕直向神山

問有無圖有歌姬及二童子

又  
十載君穿從事衫報恩之子願非凡耳根鳴處知誰德他日門高感至誠

題陸扶照藝菊娛親圖

最是東籬引興長百般佳色上君堂世間繁豔知多少誰似黃花晚節香

中園聞有孝魚泉移得南山在眼前更取金英照杯酒陶翁爭得不陶然

送劉君入都劉山東人與大理李公為長兄弟時在驛使署中

京闕驅車舊鄉關去路經劔衝牛斗紫鬢帶嶽雲青灣口停驄馬沙頭類鶴鴿明朝一揮手酒薄悵郵亭

同汪廣文迎年尋東園遺址四首

廬陵文筆屬君家迎年為鈍菴先生子學舍東園地不遐指點拂雲同放步

臺臨落日數歸雅

將種君真如季默詩壇袖手莫相輕可知風雨噪音夜首蒼闌干

句暗成東坡詩袖手莫輕真將種謂歐陽季默也

荒煙百畝雜農耕重與監軍弔廢營賴有梓潼遺像在嘉時來聽

管弦聲拂雲亭舊基今為文昌閣文昌乃斗魁六星俗以梓潼神當之故塑其像

晉唐楷法屬君謨顏褚風流落筆俱記文為蔡忠惠公書公自撮云此書以顏筆作褚體

本憑君為覓看只今野草沒龜趺

蒙泉舉淡成詩社屢以書相招余不及赴次韻二首

高會羣賢號淡成獨無野老費將迎吟邊皓月一潭白眼底寒山片石清綵縷早添園柳色冥鴻能識海鷗情榮枯世事渾難定分付蝸牛角上爭

洛社篇章次第成招攜勝日有逢迎相看艾髮添新白肯放冰壺失舊清七種芳菲春菜甲百年落莫腐儒情諸公詩律真強對只

恐難降梅雪爭

正月二十四日同鳳阿城西探梅二首

十八灣頭大樹村由嘉定至婁東其地名十八灣有欲從何處弔

芳魂玉妃重謫人間世此地幽香盛結根

月地雲階堪醉眠與君藉草倍相憐煖風遲日偏如許烘出繁香

玉雪天

西城草菴為陶菴先生兄弟殉節處龔智淵先生之子削

髮居此菴守之今且老矣同鳳阿訪之賦四絕句以贈

遙指城西脩竹林寂無梵唄閉門深千秋碧血今何在二黃先生

留血痕今老宿依然識此心

忠孝填曾感昨今清池豈獨照禪心看君塵世真難著堅卧雲林

深復深此菴又名卧雲徐侯齋先生為之題額

射人碧眼奪湖淥望古丹心照汗青同產同時同殉國守祧長借

佛燈經龔先生亦兄弟殉難破城同沉於池

膠邑名家忠義門兩龔人並二侯論那知花塢斜陽裏拭淚相看

賢子孫大年雍瞻先生之孫廣成先生從孫也

二十五日同蒙泉探梅二首

開遍南枝到北枝東城花笑西城遲昨日侯芭今趙壹相將領取

雪霜姿

坐訝諸天為散花亦如身到玉皇家能令張徹清肝膽遮莫梅花

勝李花

遊金氏園感舊

默數幽尋弱歲初主人不見十年餘戶庭哀壑流如此欹枕還來

認我廬

查山瑞竹詩有序

查山在洞庭湖之濱湖中有六峯浮水面正對此山故

明李長蘅先生欲建小閣以臨之取其名爲六浮然實終長蘅之世閣未之就也吾宗松園翁特買山以建閣并作生壙於其右旣歿而子顓三奉以窆焉墓旁松栝鬱然梅花萬樹修竹千竿與此閣映帶遂據湖山之勝丙戌冬忽有笋生竹林守冢者異之取以爲獻無何復生二三抽莖解籜挺然干雲與春笋無異人皆以爲瑞顓三自爲詩三章屬同人和之余思此竹之祥其徵蓋有三焉古有以孝感而冬月生笋者顓三慎終之禮旣備事其母夫人又盡孝養得非天生此笋以爲堂上供乎其瑞一也母夫人賢而有操此竹當冬顯不凋之節爲瑞二聞之桐竹皆生孫顓三二子頭玉峽然竹之亭亭直上將以結實引鳳爲二孫兆其瑞三矣昔人墓橘有一冬再實者楊梅有三實者竹以隆冬生亦是理也

其感召必有所以然者此余瑞竹詩之爲顓三作也

具區渺渺納三州飛閣渠渠俯六浮萬象總含冰碧裏獨回春意露梢頭

老却檀園閣未成捲簾萬樹雪爭明園公頭白誇新見折竹聲中解籜聲

馬鬣新封已蔚然望中佳氣煖生煙籜龍雛長孫枝茂能壓寒梅更占先

漢庭孝竹頌羣工杜老慈雲蓋數峰爭似冬來子母笋維南獻壽瑞無窮

宰樹連山萬木藂寒林蕭颯獨青葱似憐勁節無人見故挺幽貞冰雪中

不借春陰迸綠苔更無甘苦夏蟲猜森森百尺琅玕踴彩鳳雲端颺羽來

題顓三水周林

情非屈子賦芳洲薜荔芙蓉采采稠堂下水周穿石過塔前雲擁  
入窗流千林罨畫城迷堞七室通明簾上鈎棋局釣竿消永晝繫  
帆沙渚集鳧鷗

陳希魏以移居詩索和偶飲其齋率成三首

槎上詩翁繼者難南翔張徵君石有詩名眼看拾得是金丹依然小閣無塵

事埽地焚香興未闌陳君新遷即子石舊居

喜見陳遵尺牘招閒愁好共一尊澆徑開首為論三益總近街南

南石橋陳君與譚清原陸綸署為詩酒

一簾花影一牀書料檢生涯孰似渠覓句工夫忘晝永門前已駐

故人車

余舊藏山谷一硯舉以餉友二十年矣心嘗快快於斯忽

一日俞彤友來云有山谷硯欲售以療貧因口占二詩索

看

涪翁遺制久無存浣壁書窗長孟崙未卜神明頓還舊先看性質

潤而溫

知無長物損天真老友分攜那不嗔硯名老友渠几仍陳懸磬室

魯直有研銘云觀渠几而如何療得庾郎貧

豈有一種晚熟者莢甚碩大而芬芳特甚鄉人命之名曰

老弗香著其初時之尤美也余食而甘之病其名之不佳

為易之曰到老香輒賦詩以誌之

荳莢種多味獨長噴人芳氣占江鄉佳名特地與君錫到老何曾

失却香

釜中煮罷滿盤堆嫩拆香苞勝芋魁堪笑食芹知野味君門欲獻

老無媒

今年幸不豆苗稀採擷頻看赤脚歸三載食新悲舊穀泣然常濕

老萊衣

帶露含煙雨浥肥九秋採摘慰長飢世間名實那堪較莫狎鄉人老受譏

題僧魯菴小像

名元果

清溪堂邊水鏡清魯公碧眼照溪明超然一曲威音外直唱宗風得我驚

試問宗風嗣阿誰皎然靈一是吾師無人識得本來面剗斷塵根只自知

王石谷臨鴻乙草堂圖餉予藏之久矣適在家日容匠門

書屋披此圖光景宛然圖有雙鶴兼可用為壽值日容五十年將以貽之作詩紀事

草堂籍籍至尊圖鶴秋高鷓鴣羣千歲歸棲松偃蓋雙雙刷羽

碧溪瀆

五十年華正服官依天功業教人看鶴鳴陰和尋常事雛鳳聲清

插羽翰

時孟養姪初隸博士弟子

舊來好事數王君寫取嵩山易我文

石谷因乞余一文故以此畫相易

珍重轉將

貽叔子草堂今許我平分

余將有編纂之事許以匠門書屋見假

近聽潮生遠看山數椽結得自蕭間匠門書屋渾相似好寄夫君

一解顏

遣懷

似隱終非隱愛閒那許閒窮消稷禹志老向簡編慳散木全身計愁雲生理頑飛騰幾人在輸我鬢毛斑

送歸孟遊任宜興教諭

袞袞諸公切上台冷官偏愛水雲隈講堂似對仙宮出絳帳仍依翠壁開杜牧宅邊寧有榭彥昇釣處尚留臺更吟梅塢希聲句不與于花共一杯

長懷太僕斯文主司寇清風更莫論羨爾承家聲奕奕即今造士  
日詵詵闡千首藉餘吟咏風月溪山互主賓待我艤舟陽羨館與  
君飛步好同尋

又一絕寄陳緯雲

周處曾裁風土記蔣防授筆賦秋河近來才子陳檢討難弟還能  
一放歌

訪歸震川先生安亭故宅

百里吳淞道沿洄好泝流巍然如魯殿作鎮此江頭市為公超集  
談非稷下儔虛堂坐蕭瑟落日此淹留

世美堂仍在前賢跡已遐庭除殿風月棟宇宿雲霞石列東西舞  
流兼汾澮斜新田昔遷次秦國共生涯堂名世美舊額猶存堂前  
東西列二巨石其一秦國  
衛文節公故物也先生有秦國公石記云如蘇師之教夷舞又世  
美堂後記先生昔遷於此因外家王氏之舊以韓獻子新田自此  
謂其俗皆流惡而田惡  
故用汾澮流惡之語

百頃平田熟常吹穰亞風庚桑人競祝冀缺婦能同帆峭江迴繞

亭虛月冥濛可憐思子意吾亦有餘恫先生有畏壘亭又有思子  
亭皆自為之記其思子最

切余於次兒之心痛念不置不覺有感於  
此又先生居此常賴王夫人課耕以自給

清池環竹樹步屨此周遭林帶煙霞古牆封薜荔高斯文今寂寂  
流水日滔滔不見茲人久長天首一搔

夜夢次兒方直言泉路甚窮空詢以世俗剪紙粘為金銀  
錠有用以否兒答以可因買而焚之兼示以詩

死別已逾紀傷心實甚哉不貪為爾寶屢空及泉臺宛宛神猶在  
茫茫跡可猜朱提難作錠剪紙旋成灰

先師霍臨朱先生葬江橋之東雲章今歲始獲兩拜墓下  
詩以誌之

廿載江橋路重尋願不乖一坏終古覆百丈焰光埋吟嘯陸楊侶  
放翁誠齋先生  
晚歲所深喜丹鉛韓杜偕先生批註杜詩韓文最詳好  
舉以授學徒尤注意於章荒郊酌

酒處雪涕眼頻揩

上冢思林吉傳詩數翼匡諸生或誦說百兩少輝光有道碑何愧

淵明草更荒

陶詩自挽有今宿荒草鄉之句又云荒草何茫茫

終當誌磐石一照此江鄉

蒙泉有詩招赴人日之集予以事失期依韻謝之

人日君家真率會年光荏苒幾回來綵杖歌帽人爭插竹葉深杯

我怯陪當戶晴雲低碧沼入林返景上青苔即看賓主交歡罄未

怕霜華鏡裏催

雍容談笑有餘懽顧我無朋影亦單尊俎開時錫作楸葦門掩處

菜為盤交因甘壞招三益德自成隣併四難可許投名還入社蒼

然七叟坐中看

温公真率會詩有坐中七叟之句

歲除許明府秋嵐有曆炭之惠人日復蒙招飲余以遠鄉

皆不及知作詩為謝

紙窗竹屋玩年光日比山中也自長天上鳳凰頌鳥曆爐間楫拙

助春陽官廚濫數茅簷士野味惟聞菜甲香此日上林鶯未轉一

枝平一孰分將

正月十四日楊戴仁吳雪臣陸綸署同集剡舟姪齋限韻

南阮笙歌同北里豐年光景入新年撥醅臘酒浮杯綠下箸腹腴

入饌鮮豈有篇章傳眾口猥將暮齒占羣賢恰逢皓月將圓夜處

處燒燈惱不眠

郡伯陳公治吳一載余始投謁公特枉駕寓中有缺展待

賦詩呈謝二首

我公蹟邁古循良竹馬迎來慰所望地轉鍾陵羨閭闔

公前為人江寧守

迴豐樂洗灾祥

連歲侵饑今始豐登

明夸轉覺

天王聖使節彌瞻澤國光

俗化旋成還禮士龍丘高行獨慚葺

車蓋駸駸出跨坊爭傳屈節到茅堂曾諳花徑還通馬敢埽漁磯

共置牀論著潛夫非疾世教歌樂職已成章一盃一蕤龐公意微

旨何勞問任棠

時余寓匠門書屋公先是曾過之

酬周震初攜詩見過

春泥滑滑經過屐好鳥嚶嚶求友聲柳弱舊曾縈別緒飯蔬重與說交情折標取帛名當盛上岸牽船浪不驚纜解漁磯愁日落吟君詩向短燈檠

將至山陰訪咎元彥有作

每憶龍眠咎伯子相逢白下劇論心遠遊君誤槐忙候抱病我虛桂擢林時壬午秋試君歸自遠余病初起皆後時至不得入闈出宰欣逢山水縣幽情絕勝管弦音十年潦倒懷鉛槧誰拂孤桐爨下琴

卧龍山勢接陽明盤屈東州壯一城理縣不須傅氏譜垂簾長比覬之清行探宛委圖書府暢叙永和觴詠情眼底舊交紛似雨拂雲堆裏話前盟

早發平望宿石城同馮文子話舊念呂無黨諸賢

鷺脰迎朝旭語兒繫夕陽剡桑林刺白采菊岸披黃念舊驚呼數論文感慨長蓬窗重秉燭他日最難忘

文子同泛西湖留止湖邊寺

十載湖光重照影惱人容鬢白粼粼韶顏迅比鶯花過舊友深於風月談亂颭青蘋波不起平圍翠黛鏡長函任他艇子搖空去笑指家山在一菴

夜宿招賢寺題似文子

池邊水落仙翁井枕上山高處士家此是招賢舊名刹須栽一樹紫陽花樂天在杭有紫陽花詩自註云招賢寺有此樹今寺名適同疑即舊基也

為愛招賢名不虛羣公踪跡遍香厨只緣君是湖山主故遣招提著我徒文子云昔年朱竹垞先生及汪武曹戴方靈皋喬介夫諸君俱聚於此

石佛寺

古寺巍巍巨石蹲傳聞繫纜自羸秦邗知數丈金光現恰與釋伽

成後身

登卧龍山經紹興府治口占

披雲樓倚翠屏開鎮越堂高萬象迴莫訝微之謾誇詡直將洲宅  
踞蓬萊

望海亭

絕頂飛軒眼界紛東溟浩浩正無垠天吳凶象休顛倒萬里清風  
掃垢氛

列岫東西疊作行中開百道紫霞光乾坤萬象盈吾掌直向扶桑  
捧太陽

吳越山川錦繡分秦皇吞并一來巡海東若使能鞭石直駕羲和  
推日輪

城隍廟後一軒正臨城內外憑欄頗久口占

飛蓋凌虛接混茫下臨百尺照溪光神功能轉溝塍色時薦荒看

割黃雲一片黃

能仁寺

寺甚頹敗

許公第宅大堪懲千載難逢板下僧呂東萊先生嘗云遊此時有

二十年常坦方為板下僧已慨然有興復之志一講南華聽支遁披襟解帶竟誰曾

飛來山

坡陁磳确似荒丘來自瑯琊散不收鰻井生光倘有日祆祥還使  
世爭求

戒珠寺

寺有王生讀書其中

寺僧牢落半丘墟故宅爭傳逸少居休問橋頭六角扇不須老姥  
亦嘔書

我來雅意覓三康多恐時名謾品量寂寂戢山逢一士可同養炬  
說諸王

遊蘭亭

橋下激湍流似舊亭前曲水景增新往者宋黃門奉詔勒碑即於亭前鑿石作九曲水以象

蘭亭仰瞻雲表天章煥已兆當年名寺人天章寺建於宋時今果御書蘭亭冠其上

將遊蘭亭元彥遣舟力相資文子適至邀之同往暮歸文

子口誦渡江一詩因次其韻紀事

老衍西來眼乍醒昏侯遣力共揚舲靜圍屏幃山如畫清絕魚龍

水不腥亭對槎牙兩樹古徑餘脩竹萬竿青歸橈吟得君詩句水

調泠泠劇可聽

又次文子同游詩韻

短棹孤筇西復東暖煙烘日與春同書臨晉帖傾茶椀花逗寒岩

轉釣篷爛漫一天輝翰藻謂御書雕鏤九曲出神功見前鵞池墨沼

空回首羣籟參差嘯晚風

旅懷

窗外千峯紫翠攢鷓鴣憤鼻豈禁寒相如更抱文園渴莫作臨邛

貴客看

自禹廟東出繞舟過樵風涇

柔櫓伊啞路轉東小橋曲港任孤篷豈知樵采仙踪在猶有朝南

暮北風

樵風祠畔石封苔指點旗帆相向開謂石帆石只恐四山環合處

更從何處出山來

禹廟

徧巡五岳一來東萬國冠裳會計中天錫玄圭告成事山留金簡

啟神工千秋窆穴摩碑綵百代禋祠象袞龍我亦平生期稷禹轉

悲老大拙何窮

題文衡山先生所畫蘭竹為宋苓西謹幽毋夫人壽

勁節貞心綠玉君慣凌霜雪遠塵氛垂垂結得高秋實五色離襍

集鳳羣

遲遲麗日報春暉九畹香風入彩衣還傍堦墀  
覆芳菲

待詔當年九十餘淋漓翰墨轉紛敷分明慈竹三峯意譜出維南  
獻壽圖

聞道周官家學在文宣隔幔講堂開定知令子過韋逞好托同心  
臭味來

時謹函與  
修禮書

櫟村詩集卷十

律詩

辛卯春正余將遷居於城作詩示弟襲霞用霖對王紀黃

四人

二百年來聚族居一堂五世冠昏於難忘祖德惟橫港暫為身謀  
去舊廬寤寐宵長愁自結鶴鴿飛急羽還舒終期故里川原上兄  
弟他時共把鋤

同氣五人三白鬚殘年相保亦堪娛須裁大布姜肱被猶戀慈恩  
韓伯襦出處無心休擔墓兒孫習氣戒呼盧經春花鳥關情劇長

展友于行樂圖

昨歲余兄弟繪友于圖取杜  
詩中山鳥山花吾友于句也

平生志業笑迂疎元日開編韓范俱

余方展安陽集而襲霞從余  
索觀文正公集亦可恠也

定策治平拯社稷上書天聖裕謀謨較量今古憑圖籍俯仰乾坤  
剝腐儒喜見正書五十兄酬弟勸滿屠蘇

六十頭顱只敝廬辛勤空自閱居諸風來杜甫茅堂捲牖小袁閔  
土室如身世初欣蠶上箔子孫或盼鶴啣魚牆間一樹紫荆種移  
植還防枝幹疎

蒙泉以余移居有詩見投依韻奉答

柳鞦鶯嬌媚此辰平分春色正中旬遷居之日二月十九也入門未卜興隆

象世俗每以入宅興隆四字懸之堂中余不用也插架惟將圖史陳初轉輕橈停北巷先

馳赤脚報東隣看看四壁成懸磬擗當真須及米薪

旗鼓誰云南北軍敢論詩律敢論文棄官孰似陶潛隱饑餉空憐

冀缺耘新結一巢忙拂戶欣看八極縱揮斤從茲上下相追逐只

合低頭數拜君來詩有平生事事總輸君之句非鄙拙所敢承也

諸君競以和蒙泉詩見投輒因來詩各報一章其依韻先

後亦如之

晴光瀲灩報芳辰風雨纔過百六旬家具借車渾覺少篇章飛札

已紛陳牽船此日方居陸奉母當年命卜隣來詩云王翰願卜隣王翰有

文能不祕道窮常恐竈無薪答賓臣

棘門霸上不成軍閣筆常因王粲文精意揮毫如宿搆代耕無術

合長耘舍亭林澗曾營宅服尹家有亭沼之勝儼若山齋屋材官

為運斤令長君丹師隨婦翁孫侍讀修書武英殿所居乃賜第也吾假一枝棲息偈小山世業

敢希君答服尹

未逢修襖亦佳晨笑問移居已浹旬泮水中央來笈笈綵箋新句

掃陳陳源分天上欽公子教啓儒林勝德隣卅載辛勤一廬在與

君相對話傳薪答張廣文廣文見顧以三月朔日故也

清詩真似鮑參軍笑我荒言稚少文並舍只如葭倚玉東書常共

筆為耘霸齊亡楚歸成鑿匠石工倂巧落斤得句高吟太行畔廿

年前恨未知君答譚九玉九玉賀余移居并以河內署書懷十二首見示中有亡楚罪由捐策士霸齊功在出囚臣

之句余亟賞之

相看稗齒及茲辰蓬鬢蕭騷共六旬壯志蹉跎常冀豁勝遊俯仰

山深豹霧期終隱居近龍門好作隣我老詞壇如敗鼓君

下舞餘薪若龍門人號龍門張氏

後來誰復張吾軍筆落千言善綴文噴薄一如凌澗壑神功端不

費鋤耘鞭長高傍煙樓躍指血空傷拙匠斤近卜一廬吾事足鼎

新堂構屬夫君答家天蜚天

鳳阿移居詩久成而不見示復疊前韻促之

競賀新居在此辰君詩裁罷已三旬不因彈雀珠輕抵早見探驪

句已陳鄉里四君堪尚友唐程婁李今稱四先生其往還二老遂

成隣茅簷糲食吾生便莫問天厨孰作薪

詩壇也擬鸛鵝軍筆壘森森羨喜文近市囂塵容我隱向秋收穫

待妻耘乞栽隣曲分花竹斷手新堂謝斧斤只合籃輿扶此老鳳阿

屬疾年壁張佳句冠諸君

題馮文子釣魚圖即次其韻

釣石溫來還坐樹珊瑚拂處更垂竿眼看疾走兒童戲忙捉柳花

滾作團

一樹垂楊兩岸陰綠波深處動微吟蝦行蛭渡何曾覺跋浪鯨魚

江海心

漁弟漁兄我結隣更誰作伴有三人深清汲罷心長醒生事何妨

共釣綸

家日容予告南歸以余來郡有詩志喜次韻答之

萃蓋雍雍雜朝謁帝少微耿耿夜占星碑錢活計空南國鯨力搏

霄破北溟着眼千秋書有鑑傷心再剋玉遭刑白頭舊侶幾人在

出處惟須子共經

疊前韻

鏡虹橋畔五年別照我衰顏兩鬢星喜得驪珠光錯落難隨羊角

上青冥借書醜舫多凶篋灑淚金風何式型朱竹垞先生晚年自號金風亭長醜舫亦其齋名也海內斯文更誰主看君重定石渠經

朱贊皇道逢周司馬下車相迎同人嘉其事為之賦詩余

亦繼作二首

褰帷未是翹車乘折節爭傳飲馬橋吳中橋名相過之地也珍重使君施禮

讓踽涼有士雜塵囂閩仙京尹成同調襲美松陵訂久要聞道相

逢誦佳句幾人感激發長謠

東阿賓客應劉侶司馬風流嘯咏間才並紅蘭誇七步詩傳金馬

度千山贊皇向與紅蘭室主人唱和有詩刻入紅蘭集中周司馬在滇南時曾為翻刻傳播茲來吳郡見贊皇猶口誦其詩

折標弘正承家遠結綬子元薦達慳不是下車尋夙約要令寒士

各歡顏

為可師題像

驍也雄才洵絕倫一生肝膽最輪囷門高閭闔幾迴撼瀝血陳情

為二親

現身真似費公壺塵世滔滔不可居把臂與君同跳入須知天地

一蘧廬

次韻答匠門同秦含真李實君潮生閣秋夜見懷之作時

訪陳使君滄洲於京口

片帆西挂鴈爭飛月觀崔巍好共依皎皎客心披素影沈沈秋雨

暗荷衣聯吟小閣潮聲壯望遠雙魚信使稀多謝諸君勤秉燭江

頭我亦嘯漁磯月觀使君所寄處也

次韻答蒙泉勸赴省試

賢能書久廢鄉賦外無塗竊祿爭由此老懷有是夫少微光獨照

太乙象非孤明主成終棄翹車世亦殊

經義源流在人傳糟粕餘敢云中道易自覺壯心踈射以臣為鵠

鈎緣直失魚摧頽剩蓬鬢身世兩何如

九月十五日匠門招遊郡西諸山越三日而歸次第得詩  
如干首

姑蘇臺

荒臺初日照野徑濕衣尋麋鹿遊蹤剩荆榛步屨侵五湖翠崖隙  
一塔亂雲深千古江山地興亡不用箴

紫石山望楓葉次韻

翠蛾環合送秋容近夜微霜染葉濃有燄直欺羣卉麗尋香空訝  
一園封朝曦每亂鴉千點晚景尤工繡萬峯我在姑胥臺上望遙  
憐紫石未攜筇

和天申韻題畫

天申二子秋試報罷有不平語次和其詩以廣之

景物秋來摠亂真蓼紅蘆白一番新爭知開到離邊菊黃色猶堪  
衣聖人

晚泊雨過同諸子登岸次韻

雨疎雲淡翠微間遊侶相將意自閒鈎起蝦鬚通浪影踏殘鴈齒  
破苔斑酒帘一一迎孤棹屋角家家擁幾山千頃稻塍香撲岸懸  
知玉粒未吾慳

穹窿山

三清天半聳琳宮雷護仙壇鶴繞空洞長靈苗煙嶺北樓攀若木  
海雲東真人可獨萃陽宅辟穀寧隨圯上翁吾擬綠章通帝闕此  
生果否合終窮

上真觀次匠門韻

纔出諸天上盤回已百重銜花馴野鹿噓氣豢降龍寺有木龍云昔曾致水其  
鱗甲桂實秋深採雲腴洞口封赤松他日訪同禮上茅峯

讀書臺

翁子樵蘇地曾聞挾策吟懷章非異事遺碣獨傳今翻以故妻意  
存茲覺世心儒流何足羨感歎一來尋

積翠寺

積翠積琅玕千峯此獨寒靜添雙髻綠深奪萬峯丹金偈降心慣  
銀鈎挂壁看菩提能助法更愛影團團寺有菩提樹

拈花寺

不識拈花意偏憐野興長一溪環樹碧幾稜過雲黃鳥趁歸棲逸  
茶知送客香下方依泊好橋記善人鄉

題虞美人

空成裊裊不禁風頰頰尤憐一晌紅莫與虞姬同小字妖姿爭匹  
拔山雄

雨中望靈巖二首

伯業銷沈剩此山水窗開處媚煙鬟濛濛細雨扣舷發清磬一聲  
響屨間

曠里佳人去不還我峨長與作雲鬢游非小謝輕埃阻不載鳴夷

憎此山

堯峯

聞道堯年避昏墊居人來此盡巖扃攀崖不異營巢窟舉首爭看  
近日星斜倚竹兜飛燕勢細盤石路卧龍形上方鐘磬出林杪歷  
歷佛頭山露青

白龍洞

龍門當磴道龍窟寄山腰淫雨人間遍潛身下絳霄

下堯峯尋汪鈍菴先生舊莊次匠門韻今為其弟子顧履忱所居

別業未相訪平生憾有餘茲來仰高躅宛爾故山居玄以芭還重  
經傳歆未踈謂迎年丘南懷舊意鈍翁晚年多居虎丘山南自號丘南老人余數過之重欲問

遺書

送陳君之新會省覲兼寄顧迂客

匠門書屋每逢君曾與彭宣絲竹分匠門門人也指點一山隣越秀白

雲生處間黃雲新會有黃雲山

感遇篇多覓賞音垂簾鎮日共清吟寄聲嘉樹長相待吏部庭前

列植深用顧憲之事

題王石谷畫為章明府宸書

不見耕煙近十年石谷又號耕煙散人南唐後苑憶真傳畫做董北苑一重一掩

分留好石谷曾以所畫餉予奈爾層巒物色鮮自題云萬重春樹合十二碧峯齊

競秀千巖說會稽明府會稽人嶙峋烏目與雲齊并將爽氣西窗裏手

板迎來彩筆題

秦含真從匠門北行詩以送之

連朝菊蕊吟三徑一日山遊富百篇才似秦郎妙天下蘇門合在

六人前

雙瞳秋水碧娟娟長為吟多高聳肩得句定知君似古帝京萬口

一時傳

初冬登虎丘次滄洲使君舊題原韻兼呈匠門

白公堤畔繫吳船攜手荒祠短簿前日借春和晴蕩漾地兼禪悅

憇安便層巒窈窕離宮峙蒼隼盤迴塔影圓太守清篇同雒誦沁

心重浥劍池泉

攀躋小閣自龍從倚檻高春影漸中碧澗夜沈千劍氣丹楓朝閃

萬鴉叢堂堂日月孤懷迥落落乾坤雙鬢蓬霄漢賴君扶隻手江

湖漁釣着衰翁

月夜同匠門諸子登惠山追次坡公韻

人間此處是仙山五度來遊屐齒連邀月半空停好月品泉七椀

醉名泉與君一縱緣巖自助我無如此夜天肺腑儘教塵土澹聰

明冰雪有真傳

喜天蜚至郡次匠門韻

正爾山遊罷喜君提屐來百篇清詠續余與匠門諸子有遊郡西諸山詩天蜚至皆越宿而

和成一夕好懷開鄴下添才彥竹林重舉杯青溪流派遠扶醉鏡  
虹隈鏡虹匠門橋名也

題惠山秦氏園

秦氏園林占地寬名山分得碧巒岼十園樟木搖天籟百頃風潭  
作夏寒蜿蜿修蛇穿石路亭亭高棟出雲端我來未盡拈書籍欲  
問東家借食單

又

松風水月舞龍鸞堂中有松風水月四字御書六尺輿從此地看似架彩虹浮

碧落直憑江檻俯風湍亭披雲鶴展飛翼洞逐山精隱考槃自笑  
龍鐘還策杖少年叢裏強追歡

題沈石田先生慈烏圖

一聲反哺寫枯林七十行年孺慕心石田年近八十始居毋憂不是相城誰解  
此鳥中樂天詩慈烏復慈鳥鳥中之曾參

補拆幾同紫鳳圖題詞顛倒字模糊細看霜月淒涼夜毛羽摧頽

是義烏畫中題句零落顛倒不可讀

鹽道李公繹山招飲

小長蘆畔刺船頻潛采堂東君結隣公秀水人與朱竹垞為比隣回首欵門如

昨日綠尊紅燭話前因

三李文章世共珍謂武曾分虎昆仲李公近屬也輸公才望起嶙峋故交默數

晨星似配月長庚秋後旻

白雲司譽冠清班結帝深知霄漢間此日元紘大書處直教判

案重移山

畫堂五丈建旗旄淮海均輸使節高不厭儒冠多自誤笑談風雨

滯吾曹

為大理李公題碧梧翠竹圖

到此心常靜竹梧深院栽窗虛綠蔭合天迥蔚藍開不減臨池興

應容野客陪聲清引鷓鳳兼有白鷗來

題曹銀臺荔軒集後

上下堂鈞笙磬音朱弦玉指發瑤琴宮中重振雲門奏定向西軒

獲賞心

公以西軒名集

才並建安專一石仲宣公幹可餘波於今典論依然在七子操持

遺憾多

紺黃十萬軸琉璃點勘三唐又職司若向公家偷法律不應儉腹

也論詩

清音玉叩與珠排刀尺錦心巧剪裁羣艷世間銷歇盡那將凡骨

換仙胎

贈卓子任

遜國忠貞溯瑞安

子任為忠貞公敬之九世孫

家餘四烈一心丹

四烈見子任自所著詩

孤生歷劫乾坤大皓首遺編歲月寬夢繞江心還虎踞

忠貞公祠一在永嘉

江心寺一在金陵虎踞關

裹殘戰血只刀瘢

子任少年曾以關中亂從軍累著戰功身被數創

功名青

史終無負剩作蕪城野老看

聞曹荔軒銀臺得孫却寄兼送入都

天上驚傳降石麟

時令子在京師以充間信至

先生謁

帝戒茲辰俶裝繼相

蕭為侶取印提戈彬作倫書帶小同開葉細鳳毛靈運出池新歸

時湯餅應招我祖覲傳看入座賓

渡江寄滄洲使君四首有引

十二月三日自瓜州凌晨渡江舟師忽挂帆東向經焦

山出丹徒鎮其意以京口帆檣阻塞故冒險而行余方

穩卧不知也既覺而大詫以不得訪滄洲使君悵甚而

丹徒口終日待潮既抵暮稍稍前行彼自京口放舟者

亦俱至矣又為堅冰所阻累日缺望而成四詩

不省江頭渡能離鐵甕城魚龍共掀簸浩蕩近滄溟帆底焦山隱

雲中日觀明懷賢此際意回首一嗟驚

淺瀨緣江市鳴榔盼夜潮那能啣尾進不帶斷冰飄失侶蘆中鴈

悲吟江上簫蹉跎良會少便恐隔層霄

京口千檣集郵籤三日稽傳言爾爾穩流須有候涉險故多迷吾道非

終否人心戀故畦近傳高侍御 詔許把鋤犁侍御名遐昌時放出獄人共稱賀

鬱鬱孤臣意茫茫野客期天容舒異慘世路險仍夸澤國潛虬舞

春光冷蕊催先憑一鴈報江畔豈長羈

陸桐源畫遠山脩竹圖貽余張之堂中詩以謝之

近卜一區宅衡門向市開心非較喧寂跡已雜塵埃几席寒雲起

山林夙志回賴君閒點筆愁破此城隈

近師王石谷遠祖陸探微家法君能繼芳名世所歸山凝餘靄碧

竹帶野煙霏二物分蒼翠吾今靜掩扉

從家泉石麗春罌粟哉

風前弱態楚宮腰好繼翻堦紅藥嬌裊裊欲分春艷麗紛紛應有

剩枝條

夏淺春深漸作叢攢枝脆碧發輕紅小齋未有一瓶貯囊粟為問

東家東

春光作意駐君家百種芳菲次第花不獨薔薇似晴綺陸郎貧要

數株遮皮襲美和魯望薔薇詩有暫應遮得陸郎貧之句

題倪文正公畫梅公諱元略

姿含冰雪榦槎枒鐵石為心冷不邪何似春深日將暮紛紛紅雨

墮桃花

六月三日雨後在水周林作

水周林繞水層層過雨頻添宿霧蒸煩暑暗銷濃綠外清光默數

太陰升蛙饒怒氣公然鬧螢競宵行慶得朋指點池塘懷靜侶揀

枝有鳥喚相應

螢火

一園煙外影千點水中天自照憑開闔羣飛讓後先  
依萍棲兀兀映月弄娟娟莫近青編聚吾心火始然

奉呈中丞儀封張公

中丞近拜兩疏二萬餘言直聲震天下本朝內外大小  
臣工中所未有也敬賦四詩以誌仰企

先生正學接程朱道脈真傳世共師敬義夾持功直上知行交進  
勇於為兩章力草回天奏百辟心驚事主欺莫道觸邪同解豸

中朝麟鳳瑞如斯

嵩嶽崔嵬淑氣鍾睢州

謂湯潛菴先生

治績繼儀封不緣君子何能國恰

喜仁賢遠接蹤似水臣心撓不濁如簧巧舌直難容達聰幸遇吾

君聖不待吳民叩九重

從來直道不謀身治忽機關在用人水火自分冰炭性芟夸何惜

蘊崇根須知事鑑真金鑑拚以埋輪去畫輪草木江淮知萬福威

名不眩更純臣

時議媿媿混大賢抗章極論冕旒前朝鳴立仗何曾斥象著法星

良獨懸直以除殘為報

主欲扶運會到中天陽剛此日乾坤震

懦立頑廉俗態遷

周確齋屬題畫扇次曹銀臺韻

畫為七子合作宋堅齋王石谷楊芝鶴吳定生徐采

若顧若周王仙裳

七子風流古今看寶繪新松筠山共碧村舍路交陰策杖行相訪  
閒窗絕點塵生涯我與爾應作畫中人

汪蒼孚招同周確齋楊耕夫及其叔于冶集護圃即事二

首

一枝堂北正熒煌日近中天日正長

其壽母余曾為賦兩割肱行者

座上蒼顏成

四皓紫芝歌裏進霞觴

數竿離立愛脩篁枕簟能生六月涼却恠重重添嫩綠老夫不改  
鬢毛蒼

周容齋齋前梅竹

無數桃李不敢開一株兩株春色回羨殺幽人居似畫斜枝竹外  
入窗來

除是此君堪作伴一般冰玉瘦腰肢可知索笑巡檐處迂閣先生  
共幾枝

迂閣確齋家小閣也

漢昭招同蒙泉原雅飲曠望閣次原雅韻

渠渠飛閣俯漣漪送席涼雲秋早時棹撥魚龍迴近夜

水經註魚龍以秋日

為雨深簾幕苦催詩油污還設桓玄具

漢昭出所藏書畫共賞頗以汗損為憾 樹破

誰如顧愷癡尚有銀鈞照清漢閣成偏與夙心期

婁子柔先生曾書曠望閣三字

漢昭向日所藏閣成即以名之

宮牆嶷嶷水漪漪

閣在學宮之右

百雉千家目極時雀賀新成巢接葉魚

知出聽客吟詩據牀老子還乘興斷飲杯中却恠癡

漢昭止酒連年 指點

丸丸松栢在飛鴉肯與好音期

時學生大遭推辱

蒙泉以體疲先別用原雅韻却寄

落構垂雲宴衍時君歸興不叶心期留賓西閣從人別

杜詩不知西閣意肯

坐嘯南樓剩我癡翠栢抱雲寒溜滴

鏡潭涵月碧流漪期公百遍還同過清簟踈簾好賦詩

中秋前二日同侯壽承至王氏園看桂即事

蓬蒿滿徑接芳隣

王氏園去予家纔數十武耳

略約初經似隔塵門掩一庭青

壁榦不因香遠那披榛

君家蟾窟有新枝

時補亭選入庶常

不比杼山處士姿

顏魯公有謝陸處士杼山折桂見奇

詩多謝殷勤相折贈分明子落月中時

湘少折一枝見貽

次日同蒙泉恒占原雅復至王園

昨日攀條今復來仙翁拄杖我追陪  
一秋風露平分處釀取繁英

遍九垓

蒙泉齋頭一桂結根岩石之上盤屈有致玩久成詠

蟠枝巖畔出牆開道是稜層屈曲栽不向月中分得種如何香色

掩羣材

浴日堂邊向日開盤根定是百年栽便應齊得大椿長能齊大椿長唐人句

也可但婆娑月殿材

次韻匠門答樸村書兼懷潮生閣諸子

散人那復說脩門遠地心從舊好敦百氏手披編未絕一時目擊

道還存來詩有云南宋文章斯人存素書迨遞難成束秋樹繽紛早結

根時潮生閣前此地數君常在眼綸扉近事與誰論

為席齊孟題像

讀書臺畔結幽居君所居近昭明園池荷花甚盛傍架齊來萬軸俱知是郎君初

得意好憑霧夕咏笑渠園池荷花甚盛

高臺曲榭欵流觴遇我深慙大父行水部風流真不墜詩名似舅

有餘香君為徐學人之甥學人有題句勉之甚至

輓席思宋二首

薊門喧朔吹相見憶華年鸞鵠爭停峙鶴鴿讓後先三魚論道妙

百襪有真傳中道崦嵫迫難兄倍泣然

能詩承水部賦雪勝梁園君幼時侍其尊人虞衡公命作雪詩初

日幾多照飛花有底繁縷深墨井汲其居近禱切淚冰痕君於母

有應其事頗與蕭徽明類燕喜今無恙其家堂名燕喜母夫人尚在也孝心常獨存

原雅招同蒙泉諸公小飲次恒占韻

黃花開處好尋香漉酒邀賓形自忘老去論心人有幾坐來談讌

日為長霜餘斫雪螯堪把雨潤如酥屐不妨弟勸兄酬饒樂事詩

翁兩兩坐中央謂蒙泉及樗園

樸村詩集卷十一

律詩

韋哉移居秀野以四斷句索詩次韻

荷葉如錢復似盆我曾從此度朝昏舊題若覓十年句壞壁應教

認樸村秀野堂舊為顧俠君所居余嘗客於此有題壁一詩又夏月荷花盛開曾留數晨夕

尚書舊里景先賢韋哉舊居在尚書坊却望閭丘巷陌連閭丘坊今所居

也彷彿坡仙曾飲處方塘小圃繞堦前東坡有蘇州閭丘君家飲酒詩子疑即此地其詩有

小圃陰陰遍灑塵方塘澹澹欲生春之句

季冬風日借春和花竹中間好放歌不獨秋山解留客從來杖屨

酒尊多韋哉今顏其地曰秋山學圃

子山曾襲羅含宅賢者之居合有聲羨殺新堂開秀野練祁一老

歎無成

張徽五以茶甌見貽兼有詩紀事報謝二首

類面朝來帶宿醒

前一夕招飲

渴思陽羨滿甌傾泥澄勝把金罍重袖

出恍驚月魄成事補茶經顧渚記詩兼玉佩渭陽情

徽五往宜興省其舅氏歸

孟遊廣文得此茶器來詩有舅氏隣垂素之句

風軒亟掃煙生縷七椀盧仝手自盛

製如珪璧舊知名的爍圓沙照眼明色潤煙嵐霞彩燦中含風露

玉泉清如拳却稱龍頭縮點注旋消魚眼生才比孝威慙作啟壚

堦欲謝句難成

劉孝威有謝壚堦啟

### 觀星臺登眺

蜿蜒東來紫氣浮環迴下瞰碧漪流乾坤法象開雙闕星斗光華

燭九州西邸集書陳要略南朝古廟儼垂旒只今寂寞江山冷猶

有衣冠夜出遊

### 訪朱林脩意園留題

閣枕青溪曲園開幽意長羲皇娛白日述作溢縹囊樹老兼天籟

花明特地香段侯江令宅千載一相望

渡江之日煙霧四合超然如入天漢平生未遇之奇景也

口占記之

船出大江潏茫茫失四溟霧交雲水合槎近玉河明不羨張騫泛

空餘尼父情真成天上坐奇絕是茲行

大川寧利涉遠色忽低垂不識乾坤大偏令氣象奇煙霞成伴侶

鷗鷺不相疑自信江湖老曾無波浪欺

縣境之極東有東明王廟廟中銀杏一樹其大數圍郡司

馬張公督濬虬江聽訟其下余過之為賦四絕句

荒祠寂寂近東皇司馬褰帷駐海疆疏鑿功深兼聽政好將銀杏

作甘棠

蜿蜒虬龍廿里蟠千尋一樹俯江灘分明泰華身為鎮長送波濤

溟渤寬

氣排闥闔護風雲坐數虬枝悅使君聞司馬自數其為語領離丹枝曰一本九餘

穴鳳分樓九子正成羣

蕭蕭竿籟出蒼冥十抱根盤厚地靈從此江邊歌勿剪千秋柯榦

更長青

與蒙泉共坐池上口號

按藍一水占膠城指似唯吾幽意傾樂天詩滿池春水何人愛唯我迴看指示君又云直似按

藍新坐看新荷開鈿扇紅雲十丈湧波平

共憑闌檻放懷頻十五年來忘主賓更擬細諳泉石味好風清簟

納涼新

韋哉五十壽之以詩

秀野新鋤花下圃秋山高峙石崖碑仕如邴曼情偏淡愛比桐鄉

澤永垂韋哉為永新令民甚愛之罷官時立碑頌德於秋山即顏魯公大書石崖處翡翠珊瑚供點翰

千鐘百醴助摘辭即看雛鳳聲清絕猶把龍頭雙筆疑永新有義山亦曰龍

頭山有兩峯以文筆名

報道行年遽瑗時無非底事更愁眉鬢毛綠映青銅鏡簫管高飄

白雪詞持壽卯君應有句謂匠笑看稚子亦裁詩同兒有作衰翁

未分年華去松檜參天寄一枝

張司馬以鮮荔支頌惠走筆志謝四首司馬署縣廉而有厚澤時以交替事

在

珍果驚從司馬傳絳羅忽覩海山仙飛馳千里楓亭驛來結天香

國色緣

白玉為肌填一瓢釀成瑞露是天漿太真若不名新曲那得人間

更有香楊貴妃生日值南方進荔枝因名其小部新曲曰荔枝香

絕品應教供大官紛紛梨栗盡登槃不矜香色銷凡口多作蒲菊

龍眼看有司馬時

野岸江蒲種百叢於今幾許熟丹宮側生似是憐雲壑故遣甘滋

及老翁

司馬餉以五顆余以其二分啖蒙泉鳳阿并以一詩呈兩翁

一絨五顆自炎方二老風流合共嘗驚起妻孥齒絕味傳觀戚友  
手搓香詩情應逐輕紅劈風骨非從漬蜜強夢寐江陳紫還綠與  
公暫入粵中鄉

題蒙泉聯吟圖十二絕句

聯吟即蒙泉與予二人也

先生小試濟人方儒術能令吏道光試問三渠接鉅野縣花何似

昔河陽

蒙泉甫至定陶以邑田窪下首鑿三渠橫貫四境以通鉅野綿絡百餘里賴其蓄洩之利更令民緣堤多植花果雜

樹彌望爛然

泉出山來撓不濁雲歸岫去却成霖知君把卷閒吟處一片水雲

瀟灑心

無多歲月屬官家管領林泉倦打衙不向雷墩即浴日

雷墩浴日蒙泉鄉城

所居也抽毫坐嘯晚天霞

沈詩任筆併於君旗鼓何人張一軍若共巖棲兼谷隱只將風月與平分

九九寒消吟及春如雲詞客兩相親

往在京師諸公有消寒詩酒之會同鄉則蒙泉與余也

輸君健筆兼枚馬五韻吾甘第七人

滿篋填箱元白詩唱酬千首各爭奇

樂天與元往復有云曩者唱酬近來因繼已十六卷凡千

餘首矣

氣生大敵相當處怯膽那能變勇為

皮陸交綏多變體

襲美有云古之將交綏而退生之於予豈是耶

孟韓排鼻逞雄豪憑君

潤色添才力兩序松陵格法高

松陵集皮既作序又有雜體詩一序

悠悠我本狎漁樵野具添教篇詠饒

皮陸有漁樵具詩各二十一首又添漁具各五首

事比君多笑傲江湖長被散人招

誰寫冰姿巧鬪春玉肌酒暈句偏新認桃辨杏嗤予拙只此詩思

兩得真

卷中多畫紅梅花故云

當年削杖拄檣身傷腎焦肝頓變真

蒙泉令童紫田畫此於丁亥秋時予遭酷罰紫田一來信

予因背寫此真今日形容更誰是可憐霜鬢一時新是時余鬢未

洛生閒詠斷三年酒盞詩筒總寂然遲爾幾多銅鉢響集成姚察

未同編余居憂後久斷作詩蒙泉屬余題此未有以應昔江總嘗

詩亦須

買隣千萬為僧珍隔屋傳呼老更親落落長松共哦句與君期作

不凋身

圖中更畫長松

余屢從周梁客借書而不靳賦長句為謝有引

梁客之尊人文濤先生博雅君子也最喜收書梁客亦篤嗜故其家藏書為吾邑冠以予辱尊人交契有借必應毫無係吝之色昔陸少玄有父澄書萬卷張率與之善遂通書籍盡讀其書予之老鈍不復能希士簡矣顧其事有相類者余深感其意賦詩以誌之

萬卷君家似少玄偏於張率有深緣通家數許通書籍念我還因

念昔先曾理籤題為撲蠹山谷有借書詩云何時管鑰入吾手為

示得分殘帙巧圖全予書有缺卷帙者梁客取其缺者遂成完書摩挲儉

腹殷勤謝年老猶希經笥便

和匠門見懷用皮襲美寄魯望三十韻

托跡干將里非同在浚郊鳳衰寧攬德鳩拙但因巢身作神仙蠹

書無塵網蛸幅巾慚抗論晉唐彬刺雍州下教以處士皇甫申叔

道而詩草嬾頻敲雉堞當窗凸汀洲與戶頰牽風蘋動未滴露竹

敬梢校衲衣承肘筇箸佩沒散五篇添具詠襲美魯望各有漁具

具詩百卷瞥觀鈔王志少好鈔書老而彌篤雖遠道魚書拆清吟

鳥爪抓雲翻蒼隼翻鋒脫太阿鞘聲應金春玉管調弦閒匏鯨牙

隨力掣麟角續情膠彩繪紛迷目珍烹足大庖貧惟竿犢鼻飢只

飭山肴篋掩衝星劔軍收止鼓饒百年行採若朱百年伐彥緒後

著文

阮彥緒有善著者為布卦既撰五文曰此將為咸口為三緘非嘉遁之兆孝緒曰安知後不為上九果成遁卦

寂禮因襟服饒嚶嚶退之鬼蠓蜓子雲嘲慨昔熊成夢虛疑星落

胞

先母曾夢大星墮入懷而脈余

千秋君有鑑百氏學能包塊軋迴元化生獰息

怒哮坦如行砥道險絕失函嶠以此濟川略宜將釣石拋文明時

正泰上下志方交

帝獎兼枚馬

今年匠門館試張率為待詔賦帝手敕稱賞曰

相如工而不敏枚舉敏而不詞英陋管茅十思箴盛治五志典難工卿可謂兼二子於金馬矣

涪玉署恩承渥金莖渴賜藁定知泉倒峽一任器盈管白石我何

侶青雲天所教干旄大夫事休羨稍兼袍

三品以上給袍稍見隋志

題陸氏園介白亭

一片寒潭白中宜介此亭朝光雙浴日夜氣互涵星樹隙餘霞燦

簷間疊嶂青只疑蓬島近來徃集仙靈

宿陸園聽雨樓下

櫛椽落木近重陽焰焰孤燈客夢長夜半最宜欹枕聽風聲慣作

雨聲涼

謁范文正公祠

童年仰止到頭童後樂先憂感慨中若比熙寧崇介甫定教慶曆

遡姬公龍圖老却安邊略司諫長回直節風千載中書無至治肅

瞻遺像恨匆匆

登天平山四絕句同劉粵來賦

劓絕兩崖開一道巨靈手擘是何年錯將點額龍門比通籍青丘

記昔緣

龍門

高季迪詩不知神魚飛到此誰點額我曾謁真龍天門謬通籍

朝天萬笏說茲山獨立仍參玉笋班端笏那知身柱石范公勲業

共孱顏

五丈石

下二句一作端笏不

知身五丈好從天帝鎮天關

梯緣萬級先飛鳥屏列千峯上夕曛忽聽空林數聲犬仙家引我

入層雲

白雲踏遍更蓮華身入諸天共一家坐卧石臺松桂繞不知衣袂

深煙霞

九月三日同魏昭士楊可師朱贊皇沈碣士蔣香山諸君  
集顧雨時懷古書屋賦得山清氣爽九秋天以九日明朝是相邀舊俗

非分韻  
得朝字

秋山寂歷更岩堯絕頂扶筇自昨朝徹曉霜明知義分曹子建詩義分明於  
霜衝寒菊綻有嘉招水邊魯望鴨闌近庭際康成書帶飄千里羣  
賢遠相結飛觥覓句未寥寥

遊明瑟園次何庶常岷瞻韻

淺瀨輕撓曲曲通一園水木亂山中鬱葱每變春秋序昏曉幾時  
嵐霧空蠟屐籃輿游賞遍飛觴涑翰笑談同跳丸出沒層波影助  
得諸賢賦詠工岷瞻詩云作賦前頭有朱老景多先法語難工

九日書懷

佳辰每把客中觴老去重霑兩鬢霜心與汗青消歲月天教頭白

詠虞唐故園諸弟黃花酒同學中朝赤筆囊莫向水林問幽仄棹

歌聲裏度重陽余在水周林凡三度重九矣

顧東巖耕煙閣集諸同人送魏昭士游西泠分韻得一先

興盡南游又放船辟疆置酒醉羣賢風光吳越客中客湖海交游  
年復年疊嶂朝橫西子黛怒濤暮撼鄂王阡錦囊拾取詩千首莫  
惜剡藤寄一編

題水周林小閣

水木涵虛閣雲深宜宴眠櫓聲殘夢外鳥語曙鐘前向老投何處  
此中寡世緣朝光莫漫擲開卷詠前賢

題陳彥瑜放舟圖

早歲東阿客才名是孔璋菰蘆尋舊侶山水置中央把釣非懷餌  
閒鷗狎野航眉間有黃色綸閣看翱翔  
濟川才不世作楫道難忘雲物中流漾乾坤霽日光芙蓉依密藻

蘆荻擁鳴榔未學鴟夷子五湖引興長

為陸靈昭題像

畫赤髯圖而已像與蕭子同舟

一葉蘭舟水接天夙生蘇子問前緣夫君不是吹簫客共賦江頭

明月篇

赤壁何須論是非江山今古此清暉飄飄疑逐神仙侶便有橫江

白鶴飛

賀新殿元王丹思兼呈其尊人補亭先生

公家祖德貫幽明入夢早聞沂國生

丹思生時乃祖夢沂國公天王曾至其家故小字曰沂天

意知無溫飽志

聖心久擇秘書英金吾衛士傳金闕玉殿雷

聲徹玉京更羨熙朝添盛事阿翁先已到蓬瀛

練祁城裏狀元坊闢得文明自混茫千佛經中首頂戴百花頭上

占芬芳牙篔此日經台袞香案平時侍玉皇謝闕獨班旋 賜第

分月全樹借恩光

送程營三之任商南

自武英殿纂修選授

藜火曾分太乙光蓬萊仙闕紫雲翔詔從祕府涖侯甸吏要親民

儲棟梁太華削成蓮作頂商顏採擷芝為房躊躇為我歌黃綺供

奉還君侍玉皇

王卓人家藝蘭一種特異花心皆淡碧色別駕梅崖過而

賞之題詩屬和為賦二首并呈別駕

楚畹曾相識幽芳間色妍那知君子佩一以素心傳不比羅生易

能令入室先新題有正見

張正見有賦新題得蘭生野逕詩

命酌更悠然是日別駕飲卓

家人

碧玉釵蟲綴綠珠眉黛勻葉莖同不染香色總含真座右書銘供

卓人有叔主家政故以王僧綽王儉事比之

治中欵訪頻愛賢如襲美幽賞在城闈

漢昭園中玉蘭獨後開是日同遊口吟四首

森森玉樹長新枝開後他家十日期不是此花得氣晚海中仙果

一般遲漢昭年五十一

一園桃李爭紅白始見迎春數樹花競作霓裳月中舞與君真到

玉皇家

抹月披風帶露煙芳塵不染玉纖纖花中姑射神仙侶不似羣英

一笑嫣

入雲閣迴詠斯干的的高花此共看應共孺人戛鳴瑟傳杯稚子

笑相歡

大理李公六十初度祝詞

十載勤勞報

主身公兼理秋霜未上鬢毛新卷阿何事歌

純嘏一德君臣歷萬春

金掌頻昇卿月身黃衣補就袞龍新眼看甲午再週日綠鬢朱顏

一笑春

吟遍揚州客裏身平山風月鎮長新江心為偕千秋鑑重照吾公

滿頰春

海濱一老賤貧身敝簾詩文鉛槧新水調就中歌一卷吾公盛事

照千春

送桂林守家南暎赴闕

當年裴馬策勲名

尊人為少宰曼園公才子趨庭在玉京幾度瑤林識瓊樹

旋看鸚鵡薦得鴻生粉闈橐筆饒清譽黃紙除書錫遠旌相見心親

嘗記取夜堂絲竹話深更

三峯八桂擁名都五十專城道已孚江自湘灘分下瀨山從堯舜

峙蒼梧南州重咏南軒績北極高懸北闕趨仗鉞即看宣聖德

離筵何必損歡娛

暮春日自葑城將抵吳門泛舟三泖口吟長句寄家景桓

山郭初開慘澹雲日晴風暖縠為紋我我鬢髮青含影拍拍鸕鷀

白作羣縹緲一竿煙外寺瀟湘六幅草如裙回頭笑問空明子

自號空明子 魚蕪涼波可共分

自泖湖歷澱山陳湖竟日有風波之恐作詩遣懷二首

生長東吳煙水鄉 蛟宮鼉窟詎潛藏 一颿高掛風雲去 萬頃閒隨鷗鷺翔 飛絮悠颺沾不到 孤村依約盼何方 只憑忠信為肝膽 自哂餘年涉渺茫

澱湖纔過又陳湖 竟日中流擊楫歌 遠樹帶煙分浦淑 暮山沉碧失嗟峨 低飛鳥雜輕帆雨 狎浪婆爭湧海波 欲結五湖終隱計 釣竿何處穩漁蓑

出陳湖投村舍依泊曉發記事

溟濛遠水拍天昏 欲寄孤篷何處村 桑苧數家相伴宿 滿沽新釀

一瓶渾

流行坎止是吾生 脫險中宵夢不驚 一枕早來遲紅日 笑從鑊底

問魚羹 枕上過鑊底 潭見有魚者

漢昭招遊北田園中同補亭王先生紀雲陸子看芍藥即事

浩蕩郊原綠正肥 畫橋出郭雨霏霏 溝塍繚繞池臺出 雲霧低迷巒岫圍 蠟鳳戲徵王氏 瑞斑騅遠動陸郎 駢樽前共賞 翻堦藥小謝無嗟 吾室非 謝眺直中書省詩既有紅藥之句 又云信美非吾室中園思偃仰

疊前韻

烘日籠煙態漸肥 輕埃灑遍晚霞霏 芳叢暖護紫絲障 過客平分金帶圍 道是將離還折贈 却緣歸旆引征騑 時補亭以誥封歸都青衫續續看緋紫 偃仰中園是也非

為郭鑒倫題青溪垂釣圖 江寧人崇明學博

江令宅邊蔓艸深 溪流曲曲到而今 釣竿莫逐南朝客 飽鱸鯨魚碧海潯

士林千兩望車輪 模楷爭看墊角巾 為問師傅定何許 便便腹笥

是斯人圖中繪一受業生鑿倫體肥

樸村詩集

館室前老梧一株自春徂夏日夕婆娑其旁因取向所藏  
 文衡山先生畫幅相質對恍然有合遂次衡山題畫韻  
 碧雲一樹日蒼蒼見爾抽條自載陽好為蕭齋生遠籟每於夏簟  
 送秋涼高標合付幽人筆疎幹仍依露井牀肯為一彈先入爨不  
 教百尺到棲凰

師魯招集園亭看荷

陂澤繁花劇賞心山窗水謝足披襟田田緗葉侵瑶席柄柄幽香  
 逗遠林撥刺魚跳渾遂性鈎輶鳥弄得清音數回醺醪還相勸狼  
 籍溪雲夜色深

詠葵扇次顧景范韻三首

莫笑蒲葵陋相依度小年聲兼松籟發影傍鏡臺圓鶴振差池羽  
 琴鳴大小絃何如此輕篔披豁到吾前

愛爾煙霞質山田採隔年搖風成颯沓入肆聞清圓輕似翻蟬翼  
凜疑叩羽絃元規塵自起不到茂弘前  
規製出天然九華異昔年不蒙懷袖置亦擬望舒圓入手隨冰簟  
含風佐夏絃惟君相拂拭勞勩記秋前

景范用前韻再詠葵扇余再次之

叢生偏濯濯霜雪歷長年側翅青蠅避揮軍白羽旋暗塵羞汗潔  
薄俗笑多緣欲共薰風力生涼殿閣前

疾風

雲影落山飛似電松聲走澗怒於濤一年夏景全消盡又賦悲秋  
學楚騷  
稻畦剪剪吹多捲池面鱗鱗湧忽高最是碧梧摧折甚綠毛鳳去

亂蟬號

次暉正叔秋夜池上譜圖韻

石髮青兼荇一池岸容黃帶柳千絲幽人不厭颺颺聽露落碧梧  
衣濕時

蔚藍天影沁清池遮莫商量把釣絲塵網不驚身誤落秋光猶占  
夜闌時

九月十三余與秦景天遊馬鞍山意以重九不得登高用  
是日補之正叔聞而詫歎以不得與為憾十四夜正叔與  
王石谷玩月園亭作詩相誇示次韻答之

九日中秋事併新登高玩月兩間身携筇各得山中侶載酒誰憐  
客裏貧尋遍亂峯多屐齒吟殘曲榭轉冰輪不須相羨還相妬秋  
色佳哉未負人

訪汪鈍菴先生

門臨野水狎煙鷗五載津橋重繫舟鍾翁宅在海內斯文畱一老  
吳中名德足千秋投簪早遂林泉志講席還因弟子謀時諸弟子為先生卜築虎丘山塘開講肆遠重河汾姚與董苦牽時俗負前脩

秦淮雜感六首

地脈遙從天暫開秦皇用意實荒哉朱衣人去添佳麗千古江山錦綉迴

朱欄畫閣枕寒流霧捲煙霏日夕收一自王家渡桃葉更誰閒繫木蘭舟

臺城北望冷荒煙爭說齊梁歌舞年賸有此河侔碧漢臙脂洗盡水漣漣

六代繁華豔綺羅采菱未向此中過只消一曲江南弄亡國人憎濁水波

滿城秋到雨廉纖飛盡輕埃開玉蟾穆穆金波殘夜水尚含蒼翠

北山尖

一江煙月奈秋何席帽諸生此放歌薌澤羅襦人一遠社南社北斷經過

遊橫雲山

濛濛曉霧溼衣袂踏遍山村路半蕪籬落周遭翠篠淨崗巒削立畫屏紆洞門龍去封苔蘚山有白龍洞峯頂僧來汲轆轤日出漸高嵐影麗莪莪煙髻列成圖

步至西山尋築園追和葉九來題壁韻園向為諸乾一結社之所

重巒深鎖一溪雲西麓園林斷世氛石路披榛時小憩巖扉對水却中分僧閑木客應同住社久藍輿更不聞賸有清詩似陶謝壁間璀璨映朝暉

望小崑山

二陸曾高入洛名一雙白壁共精瑩此峯翠律多佳氣煖比藍田

種得成

徐實君齋中置菊數十本招飲余以病不往吳脩齡作詩

見示次韻

此花直合號花王閱盡芳菲照玉堂看似蕭疎殊耐久背將燈燭  
別生光金樽瀲灩酌繁蕊珠箔虛明護曉霜一種幽恣誰最賞病  
夫經月但迴腸

贈馮竇伯

早歲曾聞師確翁謂陳確菴學能博習賦能工元經道授干戈際顯志

篇成培壟中偶為校書聯講席肯隨倦羽寄條籠平生蝦菜扁舟

興不放秋光上鬢蓬

初夏顧伊人寓齋啖蠶豆口號四絕時同客玉峯

當餐每惜賤貧身肉食何如野餉真訝許輕籠出新味織簾居主

是幽人織簾居伊人家居讀書處

正是吳蠶上箔時離離碧實綴青枝中田採掇和煙雨鹽豉蓴絲  
美不知

渠椀承來綠玉新貧家風味不全貧薄持牢九差相配一醉陶公

漉酒巾

綠陰門巷午風溫鼓腹長持老瓦盆櫻筍未殘蠶豆熟與君窮老  
掩深村

過嚴氏園亭四首

芳園十畝自寬閒層疊巖阿與水灣魚戲有時看鱖鱖鳥鳴終日  
聽關關嫩篁解籜綠於染熟果隋枝紅更殷正是江南梅雨後苔  
封煙鎖斷塵寰

步上重岡意灑然一川鴨綠繞平田新秧萬頃粼粼影宿雨千家  
漠漠煙松霧細籠苔徑滑柳絲斜傍釣磯眠無多列屋成幽趣一  
幅倪迂妙畫傳

花信吹殘廿四風及時微雨灑空濛谿橋深鎖一林碧野鳥閒窺  
萬顆紅薄世塵埃殊滾滾浮生光景亦匆匆悠然自結忘機侶長  
日間消一局中

不怨知希不送窮人間萬事馬牛風身衣裁製惟荷芰口味商量  
到韭菘有鳥勤催穀布種無山不詠桂生叢鄙夫悔走長安市也  
擬區區占一弓

移館室憺園

靜置圖書一室幽虛廊曲澗響颼颼青松當戶如娛客翠篠過墻  
動早秋入夜但聞魚唼喋未明先聽鳥鈎輶平生冷淡遺名利蠹  
簡能留姓氏否

詠憺園鶴二首

騫飛避長翮啄食繞前除獨舞綠何事孤情且伴渠清音當露警  
雪羽帶風梳耳目隨人玩胎仙恐損初

萬里心長在終年此獨棲乘軒非爾事仙客待人題朱鳳困垂翅  
白鳧空故畦閒身餘皓潔得食莫沾泥

月夜對獨鶴有懷京師諸故人

涼月淡孤思片雲凝遠情一聲魚撥刺層影塔崢嶸失侶棲林鶴  
爭遷出谷鶯故交多得意遮莫憶平生

輓汪蛟門比部因顧書宣寄至其家八首

新文正訝鯨魚掣異事俄驚鵬鳥凶詞筆如公能幾輩淒涼却恨  
歲蛇龍

綠樽紅燭夜堂開墨客雲屯醉百杯旋把小詩誇滿座諸公誤信  
出羣才

身退不曾綠束藁名高端只愛縑箱紛紛葦葉施盈室蘭死何常  
竟敗香

升沉出處十年中法吏儒臣事併空

比部絕命詩云一生心跡獨無多事只在儒臣法吏間

有遺編滿江國杜韓蘇陸句爭工

小住遊仙劫一回絕命詩又云小住遊仙五十年不歸堯率向蓬萊多生結習能

除否十二硯齋何處開居書室名也

悲君死別見無時更倩何人評去聲拙詩差喜夜臺好友在相逢一

笑是黃湄給諫黃幼筆能詩自號黃湄已於丙寅年前逝矣

司業詩名屬顧君退之祭罷得雄文書宣有祭此部詩用張籍祭退之體更誰出手

裁新句但寄兩行淚落墳

壽嚴聖乾六十

時節初欣過曝衣新涼門巷藹秋暉園儲瓜果留賓易湖長蓴絲入饌肥書帶近堅堦下草年衰常暖澤中磯不須物色殷勤訪六十年來靜掩扉

其容煦其度闊

其容煦其度闊是惟其文章章多賦

眸然盎然而彌見其雅馴余共之責京

師而平福之堂與之共吟風月而樽酒細論

其於學也石持儲後而後古獨覺其清

其於友也即如余後亦亦其有題而親

若事其甚於仕也石獲不文獲俯就了官

依然共吾徒向為倫嘆多繪名之親志不推

繪身形而多子此尤得甚也



